

温州市图书馆

日长山静草堂诗存 二卷

共 1 册 存 1 册 排架号 08003

溫州市圖書館

索書號碼 75.44
3138

登記號碼 08231

共1冊

日長山靜
草堂詩鈔

商衍濬題



辛未十一月六

合孫氏影印

日長山靜草堂詩存敘

有先天之文有後天之文天秉至性是為先天勤記誦薄性情是為後天上自至道下及諸藝其得失厚薄莫不由此而詩其一也吾友汪君少浦少敦孝友長暉文辭而為詩尤工光緒二十七年秋君既歸道山公子仲廉輩屬余志其墓所述君之行義已詳不具論今復得繹其遺詩則數十年之行藏出處儼然具在若再觀君之聲音笑貌者有是學乃有是文非一時所能襲取也而別裁風雅之倫猶謂君之詩不必果有得於先天之蘊豈知言哉君為詩初學劍南已而出入於輞川杜陵諸家其青駝寺題壁五首以視杜陵諸將殆無愧色此皆君之所自致有非流俗所能阮者然則太史公所謂託空文以自見者皆人也非天也今仲廉昆弟將刊君遺藁復乞為隍引余乃次其集得若干首且綴所知以歸之噫君往矣君之性情學術固未嘗與之俱往也世運推遷君殆無如命何而不朽之業君且獲其一是世運亦無如君何也世有悼君者亦可以憬然悟矣光緒二十九年春二月正定王耕心撰

卷之四
 一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

說

不

說

不

說

卷之四

日長山靜草堂詩存敘

古稱詩能窮人又曰窮而後工唐人窮而工詩者莫如孟東野然東野之詩曰我馬亦四蹏出門即無路工則工矣其所以自待抑何薄也觀於吾友汪君少浦之詩其遭際可謂窮矣顧少浦窮於遭際而其出處進退之間常寬然若有餘裕其於親戚故舊往還酬酢之際更藹然若有餘懽是少浦所遭之時窮而其志節行詣不與之以俱窮所處之境與遇合俱窮而其性情學養有非境遇所能窮以視東野輩干謁不遇威威靡騁輒奮其抑塞磊落之氣發為憂傷愁苦之詞其度量相越抑何遠也論者謂少浦之詩出入放翁少陵顧少陵窮於唐天寶亂離之際放翁窮於宋南渡偏安之世而皆惓惓於君國其忠愛之忱不以窮而稍替少浦遭時多難流寓播遷世稱其青駝寺題壁詩可與少陵諸將並傳而甲申甲午諸役感事述情尤多傑作其散見各篇者如云萬方無事獨憂時又云羽書天外望飛騰如云聞說韓京捷關門又濟師又云深入制敵命庶幾霍票姚又云王師觸熱三韓路會見天河洗甲兵

楊本無三
十一年

又云天王太白旗會見麾扶桑如云憑君細著斜川集醉眼相攜看太平又云憑君
早建平戎策我即燕然勒石人悱惻纏綿直與放翁王師北定中原日家祭無忘告
爾翁之作意境相同由是觀之少浦之遭際窮而其志節行詣性情學養不以窮而
有所增損然則詩能窮人而獨不足以窮少浦而少浦之詩亦不以窮而後工蓋其
詩之足傳固有在彼不在此者後之論詩者幸勿與東野輩等量而齊觀可也余兄
弟少與少浦以學行相砥礪少浦既歸道山求其詩不可得今年始得之於江甯將
編校付刊校既竟先題其簡端如此光緒三十一年乙巳長夏泗州楊士琦敘

此詩之足傳固有在彼不在此者後之論詩者幸勿與東野輩等量而齊觀可也余兄
弟少與少浦以學行相砥礪少浦既歸道山求其詩不可得今年始得之於江甯將
編校付刊校既竟先題其簡端如此光緒三十一年乙巳長夏泗州楊士琦敘

此照王氏修正稿
與楊本有不同處

例授文林郎揀選知縣汪君墓志銘

正定王耕心撰

論詩者有言歡愉難工而窮愁易好此俛說也夫詩之工拙惟以性情之得失為進退而已若性情浮薄雖飾藻采以自衒適成獨繡之擊悅且為識者所竊笑君子奚取焉吾友六合汪君少浦以詩名江淮間且三十年其詩出入杜陵劍南復能自成為少浦之詩則皆其敦樸之性情所發見故非流俗所能及云光緒二十七年八月少浦卒其孤子思讓輩馳書來乞銘耕心之文雖不足傳少浦而少浦之詩及其性情之所在非余且無以知其詳又烏可以不文辭謹按君諱達鈞字少浦自號迂圃江南六合人由附學生中光緒乙亥恩科舉人就職揀選知縣曾祖修鏞廣西桂林府知府祖世泰候選知府考芳杜國子監典籍君生七年典籍君歿又二年母秦孺人亦卒賴庶祖妣任碩人艱苦撫育乃獲成立君既壯有室所以事任碩人者必誠必敬未嘗有缺禮碩人構疾君奔走數十里為求醫藥碩人厭岑寂則傍坐於牀為稱說古今可喜可愕事以為娛及碩人病且死君焚香告天願減己年一紀以續碩

秋夜讀書詩
註八歲失怙只
滿足七年耳

人壽碩人時年六十有五君既禱而疾遽瘳後年七十八乃終蓋適符一紀之算也
客有以三千金寄君所者或說以當持其金營市利君笑不應後數年客來索金輒
舉以授塵封如故也光緒初君方家南清河耕心以待次南河得識君時以道誼相
敦勉已而君為其冢子思敏聘余次女海旼為婦因得附為婚姻不二年旼未行而
思敏卒旼誓死不他適時君已遷居江甯聞之以為大戚及君將終卒命思敏諸弟
禮迎其嫂歸汪氏且命以諸弟之子二嗣為思敏後則去思敏之卒且十有四年矣
君平居不以道學名而行必中節不以文辭見而讀書異敏所為詩及駢儷之文尤
精到居南清河既久嘗以學行受知於故漕運總督南皮張文達盱眙吳勤惠兩公
而勤惠之望君尤切勤惠既薨其公子炳祥以按察司副使待次江甯復白君參幕
府事以是交益密及副使卒君感慨悲唵無慘賴嘗過吳氏玉延精舍為詩以弔見
者至莫不悽愴涕下不二年君亦卒年六十有三烏呼君篤厚如此其所以發揮性
情之際者可知然則近世流俗方且以涼薄為經濟以應酬為詩歌殆非君之所能

解已君元配朱氏繼娶程氏子三長思敏有孝行蚤卒海收之壻也次思讓附學生
出嗣為族父達福後次思振附學生出嗣為族父達尚後皆能以學行世其家嗣孫
二曰宗熹宗建在室女子子季姑有至性君病亟矢以身殉及君卒遽以第二日仰
藥死噫孝悌之行萃於一門乖戾之族其亦可以自愧矣銘曰

嘗讀迂圃詩古今作者吾不知良知之實君所持良知之文當在茲語默進退皆可
師為杜為陸天所資一門孝友無瑕疵更有賢女相攀追嗟哉吾女毋獻款門祚隆
隆行有期且勤惕勵支門楣

溫

1

...

...

...

...

...

...

...

如 欣

...

...

...

楊本著字上
多一氏字

日長山靜草堂詩存卷上



六合汪達鈞少浦著



三月三日口占

回首游蹤忒不堪
湘西滁北又江南
春風數到淮堤柳
三十三年三月三

楊本無庚申二字

庚申八月十五日避寇浦東野宿道旁廢社

春申江水接天流
賊火紅遮江盡頭
小聚燒殘餘廢社
全家露處過中秋
妖星有尾
黃昏出戰鬼無歸
白晝遊猶是暫時
安穩地幾船漁戶
在沙洲

寺夜

里楊本
作鬼

霜霄鐵鳳轟舩
稜野剝難逃劫火
經寒餓幾家
俛敗竈道塗百里
見殘僧兒
噓鵬坐
鐘樓雨人立
孤吹佛案燈
聞見根塵都掃
盡羽書天外望
飛騰

新秋涼雨陪廖子仁表叔金小軒表兄夜坐讀長慶集擬香山體奉呈

高齋殘暑退日薄生涼颺
池荷送香氣煙篁搖綠姿
無客自欣賞有客相追隨
況客

我周親依依情話時何以勸客飽荒園摘露葵何以供客醉清酒蒲桃危何以娛客
情在客自領之數點早秋雨一卷香山詩對雨肌骨爽看詩心情爽豈惟淡名利並
不敘別離夜晴碧雲散月上高梧枝

寄懷莫楚香表弟並簡劉大渭卿八十韻

久客成安土移家復異鄉羈愁增鬱鬱別恨轉徨徨默對幽棲境追思歡笑場崔盧
論戚好元白會新昌文字同欣賞詩書互較量三年夏侯霸獨行范山陽翰墨因緣
固芝蘭臭味長論年吾少長角藝汝差強本是端綸輩居然兄弟行但知窮宴樂詎
復解悽惶北郭先生宅

原註漢書廖扶傳
謂廖荊屏表叔

東臯處士莊蒼苔行藥步紅雨落花廊野

樹青圍幄湖波綠繞牆風漪感樓影月露點林光偶醪西園會時開北海觴親朋赴
陶令甥舅聚韓康槽滴珍珠滑壺斟琥珀香合尊綦履錯隔座玉鉤藏骰采呼盧急
棋盤救劫忙籌傳花拂拂令促鼓鏜鏜箏笛音從靡共又韻細商新聲小海唱禁體
聚星堂瓶罄猶呼盞燈殘更截肪虛無炫莊老古處邀軒皇講道窺周孔論文溯漢

此乃白雲隱
詩本和山真詞

唐大言空宇宙名理析毫芒縱論醒嘗悔雄詞醉莫當時教老兄屈特放阿奴狂訪
 勝神彌王閒遊遠不妨招搖文會寺來往勺湖旁花好誰家院菱歌是那廂原註有
正味齋
 成尋春青草岸銷夏白蓮塘問渡招漁舫諛僧禮象王坐花茵褥軟聯袂畫屏張到
 處資遊覽隨時肆激昂兩人同意趣七度閱星霜聚散知何定悲歡事不常鷓鴣期
 合翫雁侶倏分翔送別詩難和臨歧酒嬾嘗行辭淮市月獨上楚陽航釜鬲重移具
 琴書漫束裝平生幾長物行色一空囊入夏風和暖乘槎漲浩洋沙汀攢舍宇湖市
 簇帆檣淺渚蘆抽筍高畦稻插秧波寬聯鴨柵港窄架漁梁窮袴村農便長裙溪女
 妝水車風轉軸漁戶夜鳴榔解纜迎朝旭收蓬傍綠楊浦深煙漠漠洲墮月蒼蒼舵
 尾三朝坐天涯一葦杭輒紅明寺塔樹碧露城隍振翮終霄漢謀生且稻梁伯鸞聊
 賃廡臣甫乍遷瀛地闊潮聲壯天低海氣涼午陰雲翳黑曉霧日曛黃門巷青蕪滿
 庭階碧草荒窗鳴風料峭屋漏雨淋浪燈火飛蚊蚋園荒蠹好妨蘚痕連檻榭霉暈
 上衣裳息影棲荒徑埋頭占曲房凝塵范丹竈破板管甯牀畏病頻調藥防饑豫蓄

楊本作返楚陽
以長句紀別

糧廚餐烹蟹蚌鱉草曬菰蔣書卷蒸常潤鑪煙溼不颺
恩按原稿颺韻下有漿酸流酒益泉劣汚茶檜已極羈連
感難教意氣揚四句楊本
刪之故不足八十韻之數
蓬飛荆婦鬢衣典女兒箱寂寞知音少昏沈寢食忘枕添
新涕淚筆減舊鋒銛學殖成孤酒遊蹤付渺茫飢寒迫奔走事業誤文章旅恨方叢
集書函忽寄將開緘驚玩翠逐字辨琳琅儼接良朋話驚聞故友亡歲規曾默運補
救竟無方歎逝頻揮涕懷人欲斷腸好憑詩宛轉代達意周詳書到君應喜形孤我
自傷殷勤八十韻並望簡劉郎

戊辰中秋將由里門返興化長句紀別

滔滔歲月大江流老眼偏令識故邱

一作猶幸生還識舊邱

廿載烽煙悲浩劫一天涼雨作中

秋良宵置酒成孤飲故里無家當客遊留固未能行更嬾含情重問楚陽舟

大風泛舟勺湖

平湖盪小艇疊浪搖層空假有百尺檣便趁千里風惜哉一勺水不與江海通回頭
語舟子且住菰蘆中

題程牧人姻丈讀書小照

豪氣元龍未埽除十年旅況太蕭疎
誰知殺賊彭城後垂老空山自讀書

題吳亮甫司馬課兒洗馬小照

愛馬與譽兒自古有奇癖使君獨何為
端坐恆悒悒君昔殺賊殊有聲曾與此馬同
死生一朝蹭蹬不得志神龍賣與燕南市
歸來課子蟻湖濱男兒種田須識字呂公
傳家有寶刀十年斫賊如牛毛
原註圖像
橫刀於膝世間烈士恐無有酒酣往往呼兒曹
諸郎骨相都似君兩馬亦是真龍文世人畫肉徒紛紛
此手儻出曹將軍

角城行

角城西畔哀鴻號二十萬衆聲嗷嗷
是時皇天降大雪西園將軍宴賓客
錦箏銀燭貂裘新畫堂轟飲暄如春
宴罷將軍出送客門外北風吹倒人

喜晴

雨過花朝特放晴曉來春意滿南榮
搖窗晴日魚鱗影繞舍風鈴鶴尾聲
漏徧牀書

楊本作十
萬之衆

痕尚溼傾殘藥
枕疾初平料知不負尋芳約
陌上新泥漸可行

小齋述興

不憚貧居守
寂寥荒園竹樹影蕭蕭
詩募小品謀篇易
酒敵閒愁得醉消
版榻凝塵留鼠跡
盆山添水養魚苗
有時獨上高樓望
九萬鵬搏本太遙

買折枝菊供瓶

詩菊苦無地
街頭買折枝
癡兒搜撲滿
老子注軍持
燈前影流連
酒畔詩詩成
剛一笑大似放翁詞

送楊孟白歸山陽

歲暮蘇湖揮手去
原註謂胡舜卿
可無良友共悲欣
客中風絮誰憐我
淮上詞壇此軼羣
一

日長應分伯仲兩頭屋
儼住機雲朱門一唱思
歸引冰雪蒙頭更送君

送胡舜卿省親江右同前韻

我無兄弟均勞苦
晚得良朋亦所欣
可奈關山同作客
更堪風雨悵離羣
江南老屋

烏棲樹淮上新霜雁叫雲嘉會一尊應不遠西塘草長更尋君

珠湖漁歌七首

甓社湖西荒草多甓社湖東無麥禾惟有湖心最安穩只生魚稻不風波
不須水袴與腰欄裸國冬深雪在灘贏得貂狐人一笑漁家兒女不知寒
嫩鰕肥魴總趁墟青蝦紫蟹亦無餘數錢歸去自吹火爛煮賣殘黃魴魚
牙行魚稅例單開完得州糧更免差州吏不嫌風浪惡青衣紅帽截湖來
湖上打魚年復年虛舟風雪自相憐兒肥女壯噉魚肉羨煞湖西米販船
風吹客舫怎生駐月照羈愁抵死明湖上老漁都不管朝停邵埭暮孟城
流戶團焦傍短隄苔汀曉日澹淒淒憐渠也解漁家樂自縛長竿釣水雞

秋晚登南清河禹王臺

高臺送淮水登眺一歔歔落葉連鄉樹涼風動客衣兒言將進酒山笑未能歸欲盡
盤桓意荒林挂夕暉

野梅

淮陽無白梅有亦不論直紅妝與綠萼矯造弄敲側模糊認香影謂此即真色嶺客
乃好事一鉢遠移植格高洗鉛粉品雋謝雕飾市人互怪笑卻視口為塞花攢野蕒
薇幹卓老荆棘相將呼野梅難驚任揚抑狐裘或反著魚目勞拂拭一笑語真梅真
者固難識

四十生日述懷

四十流年逐電過殘書破帽得婆娑浮家似月圓時少慮事如棋悔著多天外亂雲
鄉國夢尊前熱淚短長歌少陵饒有飛騰興爭奈途人說老何

窮忙

乾冷天無雪原註鄉曲謂冬日晴冷為乾冷窮忙客過冬原註窮忙亦市語風共窗北向雲閣日西春飯儉

霑塵顛一作飯罷裘單落蠹茸耐寒吾習慣莫道是疏慵一作人生有身口未肯教疏慵

旅食

旅食連妻子歸休對影形遠天雲漠漠秋竹露泠泠皓首仍歧路前身定客星宵來
有良伴照壁一燈青

聞雁

江湖浩渺欲何之坐對秋風感鬢絲孤館正當人醉後寒宵况是雨來時
嗚後巫峽三聲淚喝馬秦關七字詩

原註放翁詩注沮益道中喝馬
多作七字韻語其聲淒楚動人

未抵天涯聞斷雁疎鐘殘

角不勝悲

題晏城酒家壁時河決齊河

百里煙火絕一竿風月新可憐晏城酒不醉晏城人

紅花埠題壁步葉心藻韻

清淺蓬萊莫問津青袍浣盡帝京塵生理駁骨寧論價老畫蛾眉總讓人京輩論才
勞指屈旅窗移榻最情親馬頭山色應相笑無恙歸來也損神

此生何止略知津堆滿胸中萬斛塵天半笙歌裁醉客江南山色又迎人文章求合

謀先左甫白呼名誼更親手酌蒲觴聊自慰客中佳節最傷神

紅花埠道中夜行

歸來空手悔栖栖歧路中宵容易迷缺月有光纔辨馬荒村無漏忽聞雞山田電陣

傷未泰海國春聲動鼓鼙

原註時越南兵事方肇

羨喜鄉關行漸近峒嵒曉色廢河西

廢揚本
作發

初夏偶述

節物倏已換風埃還獨遊江鱗肥入市淮麥秀迎秋骨肉棲鄰郡光陰觸旅愁黃河

能塞石時問北來舟

熱極作雨不成

炎暑驅不退沈陰結又開晚霞工截雨旱電不鳴雷牧馬聞笳返歸禽接翅來閒雲

莫輕去惆悵作霖材

驟雨

物極固宜返驕陽亦斂威礮車雲特起箭簇雨橫飛翼重催歸鳥潮迴沒釣磯神功

歸閣寂林角挂斜暉

東雨晴

楊本作遠
稍空

雨怒畜餘勢雲癡積遠空
悶雷沈地底返照豁天東
遊舫半蓬月歸牛一笛風
更求盈尺澤叩社問神功

書禹王臺西壁

城上西風畫角哀良辰扶
病獨登臺半天虛籟磬聲
落一片夕陽帆影來陵谷
變遷

餘勝蹟燕齊聞說尚沈
灾山僧那有憂時意折取
黃花送酒杯

楊本多作
三絕三字

夢過景州

十載前猶是壯遊夢中忘
卻雪盈頭跛驢席帽渾如
昨又逐黃塵過景州

壯志於今但可哀此身甘
分守蒿萊如何一晌春宵
夢仍向長安道上來

老猶求祿只成貪卅載飢
驅久不堪到底鄉關情更
切朝朝飛夢過江南

楊本
作倒

天刑

天刑懲畏憚夷孽颯縱橫裕國資劉晏求才起孟明礦苗西洱海鬼哭北圻營緬想
街亭罰千秋有歎聲

宿高加堰

耳熟高加堰征車此暫過隄平驢步健湖近雁聲多灘地科新稅淤沙接廢河昔年
奇險地安穩認行窩

過大石山

大石山前路荒途問澗溪原註澗溪鎮在淮河南驚鷹嗅狼迹怪鳥學兒唬磴道衝雲上山層

逐樹低無人指歧路得得信征驄

渡洪澤湖

桐柏三秋水檣帆一粟舟波紅連日脚雲黑過風頭絮影飄蘆岸鐘聲數寺樓龜山
重泊處陳迹記悠悠

收芋粟

楊本無炳祥二字

霜露秋園滿貧家亦富哉
鷓鴣蹲芋魁美媚駭粟萊
開糝細誇羹味跗乾蓄爨材
閉門生計足飽食亦堪哈

題吳吉甫觀察炳祥雙花毓玉圖奉步原韻

延陵公子騷雅才芳蘭百種連畦
栽偶然香國發奇瑞吟毫拂拂春風來
幽芳無偶怨空谷天許仙葩孕雙玉
素豔生憎玉藥肥檀心頓覺黃梅俗
為花寫照層臺邊未須彩色輕相宣
鉛華洗盡見真相冰雪點就爭春妍
空山無人闕顏色春風小影羅含宅
市人指目笑凡材一旦爭奇誇獨得
我昔橐筆淮陰城尚書闕舍催研經
蕭艾只合不才老翦拂徒費東風情
淵源兩世論交久笑我無才呼負負
斗山私幸託韓門才名甘自居王後
君家盛事近所稀德門積慶鍾於斯
同心自古貴同氣梅兄攀弟空爭輝
文窗磁斗魚鮒影安得華堂坐清永
歲晏衡門雨雪多幽棲默對無人境
南村卜鄰伊何人文字結契真前因
君詩妍妙有家法瓊枝玉樹窺丰神
吾曹一詩值縑幾寸心願託邗溝水
瓣香我願祝南豐一字君應報齊己

楊本作爭春

吉甫觀察復疊前韻見贈再以此奉答

少陵戲筆皆天才小詩乞得青松栽唯君搏兔用全力聯翩青鳥傳書來美人窈窕
住深谷雨紙新詞聲振玉疊韻能追玉局狂聯吟不厭香山俗豎儒窮餓荒江邊對
之舌橋情不宣朝曛狂恨酒杯窄夜窗喜入燈花妍平山堂下青山色前年曾訪吳
融宅偷出新聲有阿咸驪珠早識君先得建陵詩叟今長城原註冰陽王子揚鍾吾葉生專
治經原註宿遷葉心渠二子錚錚我所怵天涯雲樹論交情邇來搜奇十年久得子未知誰
勝負只憐曹檜稱附庸敢持鞭弭爭先後高情雅量如君稀愛忘其醜真如斯同心
豈恨隔千里兼葭玉樹相光輝幽蘭孕育姬娟影對此詩情應更永春風澹蕩花清
瑩讓子獨造幽絕境衡門寂寞愁羈人一言合契非無因更驅煙墨付短札只恐醜
怪驚花神君才一石我有幾題詩且寄江頭水朝來一笑有敗徵藍腦夢公來伏已

附錄觀察見贈原作

玉京仙人天上才手把十萬芙蓉栽春風遊戲衆香國彩雲一片飄然來謫居

無言在空谷等閒未肯拋珠玉相逢一笑為同心四顧不覺絕塵俗孤芳自賞
幽澗邊好語乙乙深情宣展卷微聞妙香發下筆欲鬪春光妍君家文章豔五
色花萼遙開江上宅傳來佳句不在多心折先於目所得昔我遁迹來蕪城種
蘭閒讀離騷經遠志且訂在山約香草屢動懷人情龍溪才名流布久魏公早
識秀才負卻憶三春游子吟敢隨七步詩人後論文有素會面稀十年逢人說
項斯想見含毫略點綴頓令素絹生光輝晴日遲遲對花影千里相思兩情永
玉堂位置森然高幽居漫說清涼境蒼葭白露中有人文字珍惜三生因借蘭
寫照蘭應喜喜君能為蘭傳神君才十倍我知幾悵望桃花一潭水高歌難繼
謝臨川私心願事馮延巳

寒夜獨坐

危坐成詩易嚴寒入夜增凍鴉
楊本作鴉噪月飢鼠闇窺燈遇合文偏拙脂韋病未
雅同鴉
能不須憐瘦骨只此尚峻嶒

病起

東風屢換物華新病起空齋又浹旬
戒飲免增沽酒債敲門漸有索書人
晴曦入戶添朝暖園杏含葩報仲春
便合掩關成美睡年來筋力倦風塵

陪博琴山都護遊城南校場觀淮安營兵演技勇遂遊沈氏園

一角南天戰血乾太平邊帥偶登壇
料無嚴武能追虜空有廉頗解據鞍
霄漢回頭紅日遠風塵搔首白衣寒
春園桃李紛如許眼底青紅久厭看

過城東程處士

淮陰程處士傍郭有茅堂
蔭戶槐榆綠緣階藥草香
兼雛籌鶴料留蜜備蜂糧
幸接南鄰伴塵心為爾忘

輓廖菊屏表叔一百韻

噩耗驚傳日荒江卧病天撫膺
拌一哭報德永無緣別路經千里
離蹤隔十年夢中迷遠道鏡裏換
華顛向日心雖切乘風翻未全
縱令公健在爭慰意縈纏豈料巫陽

引
楊本
作隱

召催歸行地仙感恩今已矣迸淚亦徒然慙愧環銜雀悽涼血染鵑生偏膺此恨死
不忘從前昔我遭兵燹家山忍棄捐連營飛礮火市地冒戈鋌圍合城三面聲悲鼓
兩甄危巢愁燕幕漏網脫魚釜走鋌真難擇殘生幸苟延全家三口在福地九峯聯
花徑留賓啓菖湖闢境偏門通道南宅米饋瀼西田念舊憐孤露扶危解倒懸詩書
承教誨禮誼極周旋命負從師笈頻籌問字錢奇文資誦習疑義校丹鉛選句朝分
韻鬪題夜擘牋風軒隨詠眺月榭恣流連勝致誇盤谷幽棲擬輞川柳綿春穉脫松
蓋午陰圓垣碧苔鋪錦泥青竹引鞭春園花掩苒秋夕景清妍文酒時開宴朋簪賦
集賢落英圍綺席曲水扣輕舷雪斫銀絲膾杯擎玉井蓮浮梁辨濃冽割炙務芳鮮
盞倩雛鬟勸茶呼赤腳煎歌脣調翠瑄舞袖墮珠鈿座客兼醒醉高談閒管絃清時
窮晏樂妙譽噪喧闐思按原稿闐韻下有彩筆承家法甌香證畫禪價增鍊
素重名借牡丹傳四句楊本刪之故不足一百韻之數藝苑人
無敵長城句並堅詩分元白派曲對小紅填際此從遊樂憑將旅恨蠲庸姿勞翦拂
弱羽忽翩躚幸列膠庠選初登弟子員寄生容小草警報又戎旃漂泊雲間鶴蒼茫

鐫
楊本
作鐫

海上船簫聲淮水畔餓色釣臺邊辟地悲南北浮萍聚後先亂餘驚共在別業喜重
遷傍舍開三徑連牆託數椽依然同嘯傲詎必感迍邐客久聊餬口途長且息肩兩
家同梗泛七載換星躔北軍頻捷語溪石竟鐫萬方爭送喜一權幸言還祖帳催
張翰他鄉滯鄭虔歸帆天外去別恨夢中牽室邇人偏遠形單我自憐離愁時鬱鬱
鄉思倍悵悵落拓慚蘇季飄零等仲宣幾番遭白眼積歲困青氈賣字霜毫秃傭書
石硯穿半生知守拙一榜只依翺世味同雞肋塵容走馬羈求沽憐駿骨失擊笑鷹
拳袁浦長為客荒居且受塵巖扉蒙草樹蓬巷近郊阡屋壞藤蘿補籬疎枳棘編空
囿聞雀噪破榻積蝸涎女妖腸頻斷兒荒學不專幽花塵漠漠病竹露涓涓放眼惟
孤望冥心只晝眠翎推同病鶴口噤似寒蟬期望應難副因循悔未俊時將迫遲暮
志尚想騰騫恩按騰騫之騫收元韻惟杜詩寄賈嚴兩閣老結往歲逢淵獻曾經侍
句用騰騫押先韻仇註謂騫字亦可作擻舉之義綺筵慈顏窺矍鑠老態認褊褊目漸青
臚閭頭餘雪鬢鬢談詩髭尚撫說舊袖頻揅更喜庭蘭秀長欣世澤綿孫枝齊茁壯子舍競聯翩濟勝留腰腳延齡祝倭佺松高

愈健勁梅古更嫵娟三日華堂住頻年積恨前未能長侍奉爭忍淚潺湲後會難言
也蒼穹欲問焉果然羈客淚遙灑墓門煙沐柳心難遂臨風頸屢挺含辛都入鼻飲
泣盡歸咽紙向天涯翦裳從夢裏塞永懷情忽忽詎限禮爰爰縱束生芻一難逾道
里千他時重泣奠宿草定眠羊貧賤終無補稽遲自引愆儘教思馨效已自失韋弦
楊本作絃思按絃與弦通但絃韻重押不如仍作韋弦牢落知音感悲涼歎逝篇羈愁借抒寫舊事且洄沿漫
訝情辭費難收涕泗連哀詞憑過雁人代逝秋鷗狂孰容羊掾文誰謚子淵惟憑一
千字和淚寄重泉

甲申秋日借博琴山都護趙冠山畫史高維之司馬劉渭卿茂才莫韞香表弟
飲柱北草堂是日聞馬江軍信

柱北同尋舊草堂杞憂拋卻暫呼觴難逃大地兵戈外且醉佳人錦瑟旁暮氣江湖
餘落日荒原草木漸秋霜關東老將頭如雪淚灑弓衣說戰場

原註琴山說庚申天津戰事

羈客歡騰說歲穰高秋景物燦村坊霜晴高隴收棉地風肥連耜打豆場白酒黃雞
農賽社烏鞞紅帽吏開倉今年旅食應無慮笑指新籩注麴牀

九日攜兒輩登禹王臺

客裏幾重九登臨興尚豪秋聲和雨墮山勢借臺高遊伴攜兒女閒身感鬢毛料無
人送酒隨意飲村醪

返舍後小飲示兒女

野步歸來日未斜忽驚身世落天涯卅年塵海飄萍梗九日空尊對菊花遊興未衰
偏病懶兒年漸長解思家移牀暫就西窗卧一一遙空數暮鴉

題吳莼甫太守味無味齋詩集

卅載任黎契三生翰墨緣龜蛙爭細響雕鷲在秋天杜老悲吟日方干下第年相逢
又相別無語指華顛

莫生玉折埋芳草

原註謂莫楚香

陶子蘭摧失素心

原註謂陶次樞

賸有白頭行腳在春風揮淚伴

君吟

寒夜苦飢乞李璧卿明府作湯餅同莫四

寒威入戶風如刀
稜稜積雪堆簷坳
宵深畏冷不敢睡
缺月挂樹天狼高
東家富兒嫌夜短
羊羔酒冽貂裘暖
西家女兒初卸妝
金盤泛索催茶湯
冬烘先生絕可笑
此時雷轉鳴飢腸
空瓶倒卧無酒漿
廚餐灰冷無蒸羊
計窮大叫乞鄰舍
慘如羊左分餼糧
地爐吹火爆溼炭
銅瓶覓水敲冰牀
銀絲錯落光照眼
一笑湯餅呼何郎
古云饑者易為食
齋鹽不具彌甘芳
人生一飽實難事
食罷摩腹歌聲長
東家西家厭梁肉
笑我便便藜莧腹
君不見前村老翁抱孫哭
日晡乞米作朝粥

自淮城返浦

興盡重來問舊樓
仲冬風物倍淒淒
波寒楚水冰漸壯
雲壓淮天雪意低
征雁似催羈客去
飢烏嬾向故巢啼
浣花詩老應相笑
轉徙東屯與瀼西

寒夜述興

短榻敷氈罽空庖冷爨煙侵寒縮念佛辟穀鼠登仙酣嚙憐兒女良宵度歲年間愁
不擇地肯到野人邊

歲晚述懷

風逼霜威重雲含雪意癡女飢催糶米兒病廢鈔詩凍雀歸簷早寒雞出堞遲牆東
老松樹伴我歲寒時

家容航饋摩肘

清晨筮易得噬嗑噬嗑腊噬膚都不惡細參繇象益可怪四足而毛恰無角大兒驩走
小兒叫稽首明神乞如約窮人料事十失九未必杯盤許行樂天狼值日光熊熊闖
然夜半來奚童先生作事大突兀驚人直與哦詩同開匱狂笑喜應卜佐酒選欲千
觴空南朝少年曹景宗走馬射麋大澤中飢餐其胃渴飲血颯颯耳後生長風豎儒
躑躅那有此嗒然困卧窮簷底受君一飽儻不報千古淮陰羞欲死鮑魚上市茭筍
鮮菜花香暖南風天畫又一舉足君醉恰有半百青銅錢

恩按原稿千古淮陰羞欲死鮑魚上市茭筍
死下至結句一作秀州風

肉名佳薊朋儔好事時寄將草堂二月可斷手雜花
滿樹春風香此時為君撥春甕定有蔬羊入君夢

臘月初一日對雪作

冬暄固非時雪意已可見東風一夜吼銀絮倏飛旋遺蝗淨根孽宿麥潤郊甸春前
見三白多稼足操券腐儒雜欣戚晨起拂冰硯雖云兆豐年恰未免寒顫道旁誰家
子破褐斷行線觀其息遽容懼汝缺薪麪老妻進菜粥慘惻不能嚙誰家貂獺叢羔
酒鬪清醺

遣興

破褐蕭然守故林老來百事付無心自甘沈湎非關酒不解勾挑酷愛琴荻浦輕霜
花簌簌竹垣寒日晚陰陰閒蹤偶出溪頭步應被沙鷗笑苦吟

宜下元旦

新舊年相替寒暄候欲分雪簷騰日氣春潦圻冰紋爆竹喧兒戲屠蘇帶宿醺一年
今日始屋角又斜曛

新正連日雨雪不出

鼎沸茶湯嫩鑪溫葑火添孤燈人影瘦
春雨雪花兼病覺詩情懶慵耽睡味甜晴乾
宜可出酒肆已搖帘

春夜月下與家人共話

布穀一作鷓鴣聲中樹似煙淒涼旅館廢宵眠
春光漸逐征人老月魄正如前夜圓獨處

閉門閒更嬾連朝辟穀病如仙憑君細畫還家策
只少東皋二頃田

課詩

比似禽魚略有知閒身安分住茅茨舊遊零落論
心少野步流連返舍遲一榼尋花堪送老
萬方無事獨憂時余懷百種憑誰說日課西齋一小詩

秦烈婦詩

并序

盱眙秦秀才其垓於光緒甲申七月病瘧眩惑墮井死其婦為吳亮甫司馬
之小女時方歸甯聞赴急返欲併命於井不可得乃以翦刺項椎破錢乳鉛

畫
楊本
作刻

粉吞之又於酷寒時單衣卧階石上均以救免卒以元日鄉井踏燈得閒投
繯以殉距夫死六閱月耳余舊館吳氏有年時烈婦方五六齡偶以天字問
余後屢問他字余厭其煩率以天字給之烈婦怫然曰天固若是多耶口嚙
嚙碎步以去今余為此詩猶記烈婦嚙嚙問天字時也

刀鉛冰雪妾不死妾有舅姑妾無子妾身難死死妾心刀鉛冰雪皆流馨井湛湛郎
遽沒朝夕向郎死處哭朝哭於井井上有幕妾之生也不得入暮笑言於室室有媪
僕妾之死也不得速妾死後郎二百日三尺短繩血痕赤街頭春燈鬧元夜繩底麻
衣妾事畢秦烈婦我昔延陵門下依劉久親見烈婦簸錢堂上走堂上走曾幾時乃
為烈婦作此正命詩并闌石化連理枝

二月六日微雪極寒

寒重欺春淺雲愁挾雪飛鴨闌新漲活牛跡凍泥肥選勝花朝近澆愁酒力微客裘
看漸敝白首淡忘歸

懷哲民姪

春事倏如此疏紅上杏花水晴魚曬子社近燕還家吾姪遠相隔浮生未有涯青春

與白首一例

原稿作同一

負年華

蟻戰三十韻

高槐午陰轉熱液霑背汗微蟲不畏暑野戰勢彌漫蚍蜉種雜出黃赤憤相亂合沓
排卒伍錯索互隄岸仰攻出磚縫俯逼下牆墁橫行左右甄銳陣前後貫往來接趾
踵重疊錯髀胛狹道一與一選敵悍遇悍並踣兩雄斃兼勇十夫竄偽退爾伺隙迭
進我侵倏反腰蜂尾螫舉臂螳斧扞銜鬚或交綏截旅倏中斷小創脛股裂羣磔頭
足爛微濡染膏血跛遁落支幹迎輅忽禽魁料實僅留半互鬪聲訶訶疾走氣侃侃
吹煤赤壁潛行潦晉陽灌紛紜併死力糾結費解散么麼集醜類持久連日盱馬牛
互蹙齒雞鴨角羽翰先鳴賭蟋蟀爭食笑籬鷄但得具箱爪輒敢犯危難睚眦竟誰
是勝負卒難判鋤強計莫出助弱劍空按茫茫彼高天擾擾此塵閑無從辨恩怨奚

自釋冰炭鉅細該一理俯仰發悲惋且從壁上觀姑就局外看汝蠻殊健捷汝觸亦
雄駢汝戰俱有功報雨救乾暵

招涼

日落人事息招涼上小亭旱雲終夕電暗水一池星樹響移棲鳥苔光閃墮螢清風
百金贈乃肯過林扃

夜起

殘暑秋仍酷宵愁睡易醒因雲時下雨無月愛看星世事添詩目幽懷付酒瓶吾生
真戲劇新習五禽經

秋暮雨夜即事

破屋遮頭僅自容涼秋景色似深冬風輪轉樹音千變雨氣圍燈暈一重詩稿存疑
煩檢削酒罌投藥自題封少陵雅愛論文客窮巷泥多鮮過從

九日登袁江禹王臺

傳聞山左尚沈灾掉首齊煙倦眼開九月疎砧霜信早半天寒葉雨聲來江湖頌洞
魚龍戲原野蕭條鴻雁哀無分憂時且懷古西風扶上禹王臺

歲暮述懷

亂葦叢蘆映渚沙衡扉深閉水雲涯新煙入麝粗成劑古法研薑旋煮茶問極但思
勤小物愁多不盡為無家荒原寂歷斜陽晚閒倚孤筇數過鴉

銷寒一集分詠西施舌

吳宮葉落秋風起靈胥抉目胥門底問誰簧鼓惑君聰伯州犂兒太宰嚭苧蘿村裏
春風輕天生俊舌如嬌鶯蘇臺夜月鴛文錦香徑愁雲烏喙兵老革荒淫自顛覆乃
謂哲婦傾其城滄桑一瞬三千載賸有香魂蹈東海絕代容光已作塵廣長妙相今
猶在吳中十月新霜天裙屐風流集少年珍肴捧出鸚哥杓翠袖催開玳瑁筵銀刀
劈破琉璃殼凝脂一寸春痕薄膩滑真疑著齒消輕勻直不容刀削細吮如親繡領
香生吞忍效屠門嚼嘉名別錫河鮑腹

原註河鮑腹
肪名西施乳

名則加恩實唐突

原註宋毛勝
有水族加恩

搔楊本
作招

楊本多偏紀
短歌四字

例楊本作
曆入聲

薄
筍脯撕開穉子衣金盤佐以東坡肉自分生為飲食人焉知死墮泥犂獄琥珀杯
斟沆瀣香老饕家近溫柔鄉腹不負吾歌且舞比附成名聊可數瓜瓣涼搔碧玉膚
雞頭嫩剝楊妃乳虎賁貌似蔡中郎真偽紛紜互千古尤物何人敢效顰願郎莫過
吳王津江瑤海月儘堪喫網著西施愁煞人

元旦立春

丙戌元日逢立春掩苒春光照庭砌百歲老人驚創獲雲物連朝特奇麗土牛彩燕
互角逐錦勝銀幡恣兒戲國家拓地三萬里正朔煌煌合元氣靈臺亦嘗用西法參
合中西扶真諦邇來堯犬漸狂吠更突封豨作妖厲通都大邑樹樓櫓西曆巖然傳
腹地紀元千八百餘年某月某號詳載記若以彼法序節物已屆仲春前後際犬羊
狡獪安足論所恨名邦失藩蔽中山已用日本朔交趾新遵泰西例老夫佳節愁閉
門醉倚空尊墮寒涕

衆興題壁

薄酒裁扶病春風又送行家貧兒女瘦身賤別離輕旅柝桃源驛寒雲下相城幘衫
真利市專解誤儒生

羊流店夜發

路過羊流漸不平空籠鈴鐸戒宵行半牀殘月江南夢十里荒雞馬上聲
潯水驚沙吹雪起嵒山晴日倚雲明人家道左門猶閉已過郵籤半日程

潯
楊本
作潯

青駝寺題壁五首

銅柱風煙接大荒蛟豸壯士起堂堂漢家全力安疏勒海外奇勳縛鬼章
旗鼓多情懷故國河山有限付孱王南朝士馬今非昔一戰先聲數順昌

秉節東南統應兵閩江奇險自天生衝堅時俊揮刀出止戰辛毗仗節行
扼要千尋沈鐵鎖爭先一著誤棋枰只憐十萬生犀甲流恨滄波未易平

海外金湯半壁存麾旄重起舊王孫名城未復雞籠島間道誰通鹿耳門
萬衆東西爭地險九重深遠叫天關戈船甲艦喧笳鼓隔岸逍遙望七鯤

杆
楊本
作杆

天書遣將護諸蠻真見官軍出漢關鐵弩爭隨陶侃去金牌誰召岳侯還巴黎窟宅
龍牙島士女簞壺鳳翼山聞說全師推上策玉門生入解愁顏

萬里春風埽戰塵軍前氣象倏更新中原屏障先爭鄭上客盤杆又入秦共說單于
知向化翻聞呼行恥和親由來攘外須安內只在忠良翊聖神

沂州道中遇雨題詩邸壁留示張古愚計古愚明日當宿此也

昨日蘭山道羈懷說與君蓋喧僮背雨馱重馬鞍雲漏屋無乾榻征鴻有斷羣平生
好兄弟曾記對牀聞

雄縣道中

五度長安道三春客鬢霜酒濃愁減短鄉遠夢添長旅雁江南伴疲驢趙北裝此間
有歸路芳草莫教荒

丙戌五月十七日孫及之甥約同蒯禮卿吳棟仙馮夢華三太史繆柚岑劉佛

卿兩主政江亭小集遂遊天寧寺

禮卿
楊本
作堂

佛卿
楊本
作觀

構
楊本
作構

宣南駐馬哦春風轉眼客舍荆葵紅堂堂歲月背人去悒悒不樂成衰翁吾甥慰我
設高會江亭置酒邀羣公五旬幽憂借披豁右手傾盡玻璃鍾醉中豪興不可遏欲
乘絕險開心胸開窗四顧得奇勝西郊寶刹何龍嵒出門呼車願我僕玉鞭連打青
花驄長街廣陌眩轉過城壕路轉松陰濃凡軀醉後有羽翼已在佛頂光明中名藍
締構歷幾劫竹樹老壽無塵容修篁萬尾夏鸞鳳靈籐九子蟠螭龍一邱寺後擅宏
敞振衣直上披蒙茸太行左臂互西北脚底紫翠連羣峯扶桑掉首日出處飛橋欲
跨滄溟東天南歸路不可辨長空萬里青濛濛嚮時刹竿恰在眼嘈嘈燕雀棲簷櫳
惜我佛國清淨土容爾醜類腥臊宮客懷到處雜欣戚落日又動僧樓鐘青山催我
入城去如驅野鶴歸樊籠到家客散酒未醒遊蹤欲記嗟無從倒牀且自憩腰脚卧
聽街鼓聲夔夔

閒行玉河隄

五月梅雨足衆潦溢潭井枯濠濬工畢岸闊水清冷長安匙波澤得此詫奇景兀兀

雜葭葦閣閣亂蛙龜微風城脚來水氣襲中領新涼白袷衣玉塔弄波影

贈鏡硯

遊琉璃廠買一石硯窪其面以受墨背摹古鏡文紐鼻禽藻鐫刻極工作長
歌刊於四周

石
楊本
作腴

漢宮鑄鏡真大好上有仙人不知老琉璃匣貯紫雲石萬年子孫長用寶以銅為鏡
能鑿容以石為硯誇天工頑金不鍊鍊頑石繞鼻菱藻鮮芙蓉禽經列宿二十八支
神幹排十二宮銘詞迴而綴首尾吉羊貴壽鐫重重嗟我荒田斤賣盡破瓦僅肯隨
冬烘鈍椎秃盡宛陵筆殘煤燒斷黔山松長安市上塵土中眼底巖電光熊熊儻來
一片水蒼玉賺我五百新青銅急呼巾帔拜瑩友石交與汝相初終春蛟秋蚓仗汝
出釘鉸打油期汝同更須照我一尺面笑倒鑄鐵桑家翁

壽徐子貞兵部

我無上元桃實麻姑酒華頂蓮花玉池藕香檀銀合太華縹畫鶴圖松倩誰手六月

四日天微風一杯自酌衰顏紅項上腴牛心炙昨日筵前飽君德欲往壽君君已出
不知人世如君更幾人閉門為君作生日

宣南旅館暑夜

熱風轉地怒如吼十丈紅塵塞人口長安盛夏不敢出辰起閉門直到酉先生如鼠
好夜動坐俟天心轉珠斗解衣盤礴暫取適移榻下階置尊酒六街人物盡同夢半
晌清涼落吾手此間人事最豪健俄頃清閒恰難久雄雞膈膊鬧鄰院駝馱空籠動
羣走豈須更待紅日出滿耳喧飀無弗有請君勿作清夜吟靜中一動驚人心成陰
鶴蓋塞道路高門旦啟何沈沈喟然撫几三太息忍使衰顏化為赤拂牀倒卧且自
休準備埋頭過明日

遊謝公祠小憩琴硯齋

一琴一十縑一硯金五百長安骨董家瓦塊混珠璧琳瑯貴人座塵土貧子履城南
謝公祠摹勒認真跡並無琴與硯即此見手澤真詰雲龍篆千古壯堂額對門慙忠

恩按柱通柱

寺佛座炫金碧孤忠槁餓處草木盡鐵石曹娥小女子忠孝同一脈殘碑壽百世藏
者增愛惜君看多寶閣穢惡流竹帛

柱杖行

先生履破赤雙足疾走東西健如犢邇來一病忽嬌情柱杖扶持當僮僕空廊趁步
午行飯比舍敲門晨乞粥四十五年未遽衰爾我相尋何太速人生習嬾自常態偶
爾相違怕顛倒杖兮杖兮真可憐九衢車馬何翩翩明朝攜入長安道笑倒城南惡
少年

兩兮字楊本作公

丙戌秋南歸出右安門口占

片月西南墮曉煙春明掉首一茫然九門落葉紛如雨雙闕浮雲遠似天書劍出門
一作思舊夢江湖乘興自今年秋風匹馬還家一作路三歎臨歧嬾下鞭

海上望日出時下第南歸

縱目東瀛更向東重輪瑞相早凌空羣峯隱霧鼇身黑萬席搖波鸞背紅敢望勛名

比宗慙正嫌詞賦似揚雄清時不用平蠻策孤負連朝萬里風

滬上望海

山閣千尋迴滄波半壁開吸江歸壑去吐月送潮來蛟鱷天邊窟金銀海上臺此邦
信吾土悽絕倚崔嵬

抵浦寓作

席帽邪滕老病身還家自解浣行塵不深即淺兒斟酒欲吐還吞婦訴貧新購書奇
先解馱舊栽花發暫留賓客中歸客聊為樂莫怨爛衫冷笑人

歸自都門適逢旱暵客途米貴無異長安解裝未畢率爾詠懷

飛鳥重認舊棲枝渴吻先吟苦旱詩天外雲齊龍挂處廚中米盡客歸時也知盛世
為農好只惜枯苗得雨遲我自營營祈一飽豚醢盃酒叩神祠

聞客談征西幕府事

金鞍柳葉天方馬玉鞘蓮花日本刀淮北健兒三萬騎十年無事成臨洮

讀楞嚴經同吳純甫太守

端居思萬端深密入佛理空華本無著當可庶一起楞嚴喜靜讀對客亦清美試取
談笑資互證清淨體十歲觀恆河面皺悟流水誰言不生滅生滅固無已瓷鑪半炷
香裊裊磬聲裏

送純甫太守暫返淮陰

書空咄咄作何字卅年困卧淮陰市長淮東流聲瀼瀼君顏猶紅我華髮大男案螢
已枯死小男學書蚓滿紙傭書得錢苦不多力耕無田當奈何春風漠漠江雲開送
君直過韓侯臺君來何遲別勿遽暫向淮陰酒家去

客夜

張袖傴僂舞鳴絃纂纂歌雨窗燈暈大客枕雁聲多鏡雪霑衰鬢鑪灰鍊病魔讀書
困科第未便說蹉跎

臘月二十一日述興

勿楊本
作息

冷吟閒醉送華顛萬事從知合付天螺殼杯能容一斗雞毛筆只值三錢夢回老屋
燈昏後春在寒梅藥破邊好與村翁添歲月椒盤臘鼓又迎年

敏亡後久不作詩春晚對酒書此破悶

北牖拌僵卧東風強見尋燒痕隨雪盡柳色逐春深有酒供衰病留愁伴苦吟襤褸
雙凍雀歎爾住窮林

悶飲易成醉悲歌偶似詩死生兒女淚貧老聖明時雨夕閉門早風響見客遲春來
何所得贏得鬢如絲

暑夜不能寐遂坐至曉

屋靜涼生天向明睡魔顛倒判難成枕邊白鳥剛停嚙帳外蒼蠅又發聲病眼正須
迎露起勞塵何處踏冰行風餐雪虐期非遠記否寒宵凍粟生

飲月下大醉作

陽烏西下煙郊暝火雲散盡天容青野水不動光澄滄銀繩倒浸三數星牆隅闌闔

流孤螢堂下松柏光瓏玲翠眉仙人開雲扃微風振珮聲泠泠衰翁散髮倚素屏市
醪不耐沾奇零呼童速挈雙玉瓶流霞九醞傾仙醪為我靈府驅膻腥醉中兩腋生
翅翎化為黃鵠飛冥冥北刷鉅野南洞庭大江東下趨滄溟一一皆我身所經此醉
合得三千齡雄雞一唱倏已醒殘燈照壁光青熒俄焉曙色窺疎櫺人事僕僕勞神
形

九日登禹王臺時河決鄭州

撥悶一尊過攻衰百病來廿年公路浦九日禹王臺白雁秋風早黃花淚眼開閒愁
無處遣聽客說沈災

兀坐

兀坐閒階夜氣清高城刁斗聽分明鄉心月下蟲吟苦老淚天涯旅雁聲三策東南
籌水利八星芒角卜邊兵村僮那解匡時略醉倚空尊說太平

返里有期書此誌幸

蓴絲香滑鱸魚肥卅載飢驅悔昨非猶較季鷹高一著秋風吹送白衣歸

秋懷四首

商飆忽又到衡門依舊渾流竹箭奔大老中朝說嵇新長淮遠派接崑崙魚龍湏洞

秋江夜援鶴蒼黃絕塞魂回首金隄霜降日五雲鸞紵拜新恩

重臣飛蓋聚中州故道浮沙壅下游督部尊嚴新使節梁園歌舞舊棋樓絲綸錫命

經三省楚越盟心共一舟聞說荆門前太守飄蕭霜鬢抱孤愁

天聽蒼茫事有無市諛誰噪徧通都神燈黑夜靈旗影野史丹心鐵淚圖敢信災氛

歸劫數可憐人事待匡扶驕陽漫助馮夷虐一寸青苗得雨蘇

司空奏發水衡錢卅歲徵輸累萬千赤手迴瀾勞碩輔蒼生忍死待明年流亡滿目

鳥庇澤時物關心瓠子天野老莫談豐北事荒荒寒日下平川

冬月下旬暄暖作雪

仲冬天奇暄意似慰窮餓霜華不滿樹跼紫紅破窗塵亂蠅蚊毛汗浹馬馱單衣

玄楊本以
元字代

過二九翁媪喜相和老夫愛安燠受寵慮其過玄冥失權位疾癘伺衰惰寧聞十月
雷而可舉朝賀禍害蘊眉睫大雪貯春簸漫空墮雨鏃撼戶旋風磨先幾昧良圖膜
視誤堅坐吾憂非一端中夜不能卧

次日大風凜烈特未雪耳更作此詩

大風西北來屋倒牆宇裂驚沙撲隄岸白晝氣栗烈渾渾日落處雲氣黑燒嶮默計
秦豫郊銀玉照城闕前言偶然中事勢炳著操今年河南徙淮水助衝決東南釜底
地百萬眼流血詭哀煽荆揚伏莽徧吳越光天隱邪垢屏削屬時傑何人預料量無
形之風雪

今日事可喜五首

今日事可喜牀頭藥碗空參苓辨攻補胸膈盡疏通補救非無術防微大有功本朝
醫國手嵇靳是良工

今日事可喜鄰翁送酒來料量三日醉歡笑一樽開李白生前杓劉伶死後臺昔人

沈酒意百世有餘哀

今日事可喜空箱足稻秬已堪謀卒歲未暇問來年點點憂時淚人人辟穀仙地肥

安可食翹首顧蒼天

今日事可喜狸奴亦策功忍孤魚飯美頓使鼠羣空負性鬚牙異輸勞心力同花陰

勤捕蝶齒冷畫圖中

原註放翁詩注道士某畫貓捕蝶圖以諷世

今日事可喜疏河議竟成未遑言實用且勿負冬晴魚釜東南地鴻嗷西北聲奔流

八十日回首亦堪驚

病齒

老態侵尋較可知殘牙朽隙歎先衰齧字負狂疾眼暗頭重自一時幾輩問年
憐馬長連朝嚼飯似牛飼奇方試檢唐宮秘豔說肥環嗜荔支

齒病愈

十日裏頭吟一日開口笑拔根姑未遑治惡先去要一好足以病衆賢調停之說非

嚼
楊本
作啣

萬全君不見瀛洲學士森
彫龍就中乃有高陽公

幽棲

道側瓜廬不厭低
脩然風雪耐幽棲
蔬藍供食憐嬌女
米桶喂寒笑老妻
病驥僅能垂項走
飢烏未肯向人啼
憑君莫說窮通事
物理紛紛豈易齊

楊本多
偶述字

冬寒病起

風霜作意困衰翁
寂歷村墟半畝宮
寒涕墮膺冰漸滲
隙塵穿日氣青
紅暖偎葑竈
灰全活寒挈松壺酒
易空懶極不妨耽
小疾維摩坊在閉門中

答兄饋瓢兒菜吾鄉嘉蔬也當食有作

少年狂走西復東
白頭乞食歧途中
衣穿履破不復惜
獨有口腹非真窮
塘西枇杷洞庭橘
櫻桃吳市朱絲籠
閩江荔支大逾卵
芝朶沙果甘而鬆
蓴絲下豉鬪千里
銀鱸斫膾誇五茸
春冰一寸西子舌
螭螬螿螿哥紅項
腴腹肪更無論
食單不錄輿臺功
年來衰病卧窮巷
飢腸雷轉聲隆隆
吾宗老兄劇好事
鄉味遠饋江南菘
瓢兒

嘉號自誰錫長壺短瓢嗟難同艾盤泡感蒼玉葉菊花心卷黃金苕筠籃論價惠鄰
好飯孟流歆賤兒童先生頭腦真冬烘黃齋十甕新題封卅年口福竟逾分天之所
賜亦已豐乃知碌碌困貧賤富此嗇彼原至公逝將歸去飽藜莧一鋤長伴城西傭

定期明正返里先作此詩

遊興年來冷欲冰只應歸去任騰騰還鄉仍是無家客挂搭免為行腳僧治浦春波
邀盪槩靈巖秋月伴扶藤祇餘一事堪惆悵二畝分秧竟未能

望鍾山

白首還鄉絕可哈新知無復問名來大中橋北扶筇望爛熟鍾山日一回

石頭城晚眺

一角能容大九州西風吹袂石城頭陰晴山色分龍脊金碧天光接蜃樓高掌人間
談遠略閒身世外聽漁謳歸來忽動登臨感鐵鎖沈江萬古愁

同顧榮之陪師洛宗丈遊鼓樓遂登北極閣賦呈師洛翁

鮑楊本
作鮑

拱楊本
作拱

金陵山水窟氣勢蓄深厚翁家延壽脈四世盡鮑者唯翁更矍鑠開秩已望九原註
翁年
 八十飲啖逾少年拄杖不入手今年夏少雨掠地熱風吼相呼避暑毒決策入林藪
 高齋縱醉飽先挾兩雛走原註一孫一
外孫從行 二客隨之行相視愧衰醜首途指碑樓天半
 梁戶牖石磴五十級直上不用肘開窗略顧盼一笑薄培塿下樓更東邁傑閣插星
 斗山程里又半苔路滑而陡飄然御風行絕頂一昂首鍾山在眉睫煙霧繞岡阜隔
 江西北望羣壑錯青黝城南十萬戶嗚吠接雞狗混茫只一氣豈復辨拱科翁言少
 苦兵此樂前未有卅年得少憩温飽逮親友兒孫茁蘭玉詩禮綿世守更喜腰脚健
 時復開笑口寺僧殊解事吹火滌茶甌徘徊不忍去落日上高柳回頭望後湖聞說
 富羨藕下山訂後遊問我肯來否

初夏述懷

蠶帖初收秧把分江城風輾轉南薰庭階積潤迎霖雨園壑全陰過大雲葛帔僅存
 宜可著林鶯漸老不堪聞晝長何物能消遣婪尾深杯借午醺

久旱得小雨

皇天久不雨，小雨亦自佳。譬如貧賤兒，求得不敢奢。流塵潤郊阡，積翠回桑麻。已勝千農夫，百架龍尾車。天公憫民勞，大澤需時加。暮橫天西虹，朝互城東霞。青搖擺耜姿，紅洗胭脂芽。大雨滋田禾，小雨滋園花。

大雨三晝夜復有滂意

皇天久不雨，一雨三晝夜。農夫大歡喜，子婦荷犁耜。秧苗分畦町，泥水沒腰胯。秋成冀一飽，豚酒賽鄉社。老夫困旅食，慰極忽成怕。蒼溜方小停，急陣倏飛射。剛得極枯苗，莫更敗吾稼。天公殊難為，喜怒任嘲罵。呼童驗溪痕，見客問米價。明朝將祈晴，藪藪縣符下。

問柳酒肆醉歸

扶歸不自覺，普騰五里溪。塗柱短藤涼，夜笛聲遊舫。月疏窗人影，市樓燈羈愁。固結殊難解，飲興縱橫亦暫能。寂寞西窗孤燭爍，又搔衰鬢對鬢鬢。

杞
楊本
作杞

泛舟秦淮夜歸

罷笛船歸埠，飄燈客過橋。
嶺雲低帶雨，江月暗生潮。
肺疾迎涼減，羈愁借酒澆。
秦淮珠翠地，笑爾可憐宵。

平偉臣別駕招同魯子剛學博小飲

青溪迴環通微波，溪邊老屋圍煙蘿。
訪君不用打雙槳，短杖自拄尋波陀。
相期在酉午，即至熟客幸免闌人訶。
入門略不敘賓主，徑索詩稿臨風哦。
醉心偶得一語妙，未飲已覺衰顏酡。
主人手注金叵羅，笑指一盞非誇多。
裙幘大夫獨闖席，原註只烹餘鼈裙一味
味悉屏雞豬鵝，少加薑桂發芳潤。
一碗巨若關西鍋，老饕得食心膽壯。
長脯大啜忘誰何，廚人輒釜倒餘汁。
雛鬟匿笑迴雙渦，嗟我與君數面耳。
禮節早已蠲煩苛，山陽酒徒亦真率。
氤氳一氣心相和，乃知文字具真賞。
非徒酒食相經過，連朝急雨洗炎暑。
涼風嫋嫋搖纖柯，君能助我發高興。
買舟同看城西荷。

酷暑

痺
楊本
作痺

樸
楊本
作撲

南
楊本
作關

今晨起稍早
簷日光特異
陽光燥几席
燥氣襲中帔
亭午熱風息
樹影靜照地
蟬嘶無停聲
羣鳥蔽林翳
對飯不能食
朽桮厭腥膩
日長固可喜
蒸煮略已備
飲多苦瞑眩
棋久憂坐痺
彈琴與六博
紛擾聽羣議
衰翁氣力弱
閉戶聊自憩
任渠熱爛膚
靜以待其弊
但望羲和車
速返咸池轡
夜氣儻未忘
一線動生意

夜熱

向夜熱彌甚
此熱成爛熟
枕簟如涸湯
炙手不敢觸
下堂姑小坐
散髮赤雙足
仰視天無雲
旱電時照目
星繁燦銀礫
風燥砭肌骨
唵喞上池魚
樸藪下簷蝠
無絲入藕孔
有願墮冰窟
鄉人競消暑
晝夜乃兼卜
廣筵列綺羅
畫舫載絲竹
尚嫌明月小
佐以如椽燭
彼人固豪壯
僅亦厭梁肉
料無招涼珠
何以追暑毒
一笑姑置之
且就瓦

盆浴

莫愁湖權歌五首

鬱金堂外柳毵毵
月上湖樓酒正酣
賴有美人名字好
不然愁緒滿江南

湖租世世作生涯湖岸西頭問釣娃柳外秧田田外藕何方門巷是徐家

峩峩綽楔映波光千古曾徐字有芒原註道旁綽楔大書曾徐千古笑倒南朝小兒女一湖容得幾

侯王

勝棋樓外曾公閣日日新潮沒舊痕倚檻思量成一笑吾鄉故事善爭墩

歸舟打槳一徘徊隔岸丁簾面面開早識渡江無所苦定隨桃葉弄舟來

新涼

新涼正好換生衣曳杖河橋步落暉風鐸郎當驢馱過溪萍唼喋鴨羣歸鷺看蠹葉

迎秋墮閒望孤雲帶雨飛莫道鄉關生計拙癡翁能飽北山薇

望清涼山

人世何緣免是非書生只合耐嘲譏溪禽避權衝波去陌燕捎蟲貼地飛病目未痊

時嗜睡閒身偶出遽忘歸清涼山北雲深處儻許誅茅傍翠微

秋色

鄭州人客至秋色滿江城又落梧桐葉愁聞鴻雁聲
監河飛使節憂國到書生不信
馮夷怒期年尚未平

老態

老態羞為客遊蹤冷似僧溪迴時轉向山近漸分層
鈴語含風塔波光照蟹燈乘舟
吾盡興未肯負枯藤

溪路

溪路浸新漲灘沙簇短蒲高莖藏芋嫻歧葉翦慈姑
略約通樵路絲竿聚釣徒江南
有人物從古住菰蘆

使節

楓荻秋園滿目斑一家雞犬住柴關書生自愛窮林老
使節新從絕域還鐵艦牙檣
東海道霜筠雪竹瓦梁山娟娟隔水貌姑射天闕牛頭相對間

獨客

江南卑溼地獨客掩柴扉
飢鼠黃昏出秋蟲白晝飛
醉餘仍少睡愁極但思歸
何必真吾土淮山多蕨薇

郡城秋夜

秋晚江城感歲華無端八口隔天涯
幽蘭力足自生露老桂椿枯尚著花
病婦夜燈陪展卷癡兒午醖戲分茶
祇今風雨江南路應念征人苦憶家

自郡城赴袁江舟行即目

兀兀征橈過石頭茫茫遠樹辨瓜州
海風狂避日初出原註在風避日出長年相傳如此潮汛猛吹
江倒流八口飢寒長異地一身南北付扁舟
歧途遲滯君休問正要煙波散客愁

泊京口

破曉渡揚子行程睡夢中山形京口鎮
潮信海門風士女羅紈質江天鼓角雄
西戎好樓閣金碧在層空

舟夜與客讀林文忠公政書

宏濟寺前停短橈
蓬窗柏燭坐寒宵
酒顏對客影
突兀星氣入江天
動搖蜀相自存

開府集湘纍
空賦楚詞招大隄
一決悲今日
漁火蒼茫照落潮

楊本作紀三絕句

客自微嶺來
言險處須下興
步行否則眩
懾益甚為紀四絕句

王君耕心謂此首

與題不符可刪

步下籃輿竹杖輕
崎嶇筭嶺記南征
憑君莫詫人扶力
險處原來仗自行
世事無憑絕可哈
巉巖安得五丁開
曾聞蜀客談奇險
攀過天梯石棧來
浩氣孤行自有真
小心時亦誤
逡巡危途九折
邛崃阪也有從容
叱馭人
危途歷盡鬢雙
皤徒向燈前喚
奈何君請回頭
數行轍康莊
孰與大行多

楊本無此一首

五十生日大風渡江

長江東注作春酒
萬里來為先生壽
先生五十不知非
只喜年光落吾手
仲冬六日夜交丑
風卷江濤向西走
曉日烘開海嶠雲
輕帆闖出瓜州口
瓜州四顧無所有
千艘萬艘皆縮首
先生船小耐播弄
縱得三尋橫五肘
長年挾舵植如鐵
奴子捧頭蜷似狗
自知老命天不要
兀坐船脣神抖擻
江豨鼓顯氣喙喻
老龜拱背形佝僂
汝曹

踊拜我坐受薦地回頭呼負負早年孤露晚寥落兵火流離卧塵垢三十傭書乞米
難四十科名落人後豈知厄運忽通利恰似天公憫衰朽神風一送三百里朝發維
揚暮鍾阜人輕物賤亦有年濫荷神功轉顏厚片席飛停鬼臉城山松冷作蒼龍吼
淮上有家兒女瘦春明無夢文章醜客中自壽莫吟詩且酌江神酒一斗

章少卿水部饋鮮荔支賦謝

練裙公子粲笑齒風格傾城說妃子赤瑛椀捧頰虬睛絳膜冰膚鬪鮮玼前年送客
東海上道左筠籃逢驛使海山仙人初識面略試方紅與陳紫書生口福信不薄品
校殊尤自隗始哈密甘瓜甜太過芝罘沙果鬆留滓肥桃牙黎洞庭橘比似施媿盡
含恥極知尤物不易致一旦飛來如尺咫國家威遠製神舶激水飛輪利行駛萬里
傳柑香不變八荒收國鉞能指但令橫海下將軍直奮天戈剽羊豕承君雅贖助一
醉勃發狂言不能止輪囷酒膽露芒角搜索枯腸出清泚愧君十顆玫瑰珠換我春
蛇書一紙

平偉臣囑和梅村士女圖

一舸

馬革投尸入五湖西施終始未亡吳時人儻識鴟夷字合使追隨伍大夫

鴟夷裹尸西施之死與靈胥無異范蠡易名強為胖合冤矣紀載可徵何妨

為美人雪謗

虞兮

效死君前亦可憐敢令花草鬪翩翩一杯金谷園中土上接風流五百年

作文貴得事外遠致作詩亦然作絕句尤不得不然鄭相景陽宮井一絕所

以獨出冠時也

當壚

一樹夭桃笑映門芙蓉臉際試啼痕青錢百萬奴千指只值蕭郎一破禪

千古豔情史公只以琴心二字括之何其雋也

胖
楊本
作胖

杯
楊本
作杯

歸漢

疑義何須溷後賢五言樂府記長篇隋家尚有蘭陵主一傳高標列女前

有謂文姬不應入列女傳者其實蔚宗記列女非記烈女也史筆憐才是或

一道

盜綃

重門飛越待深宵那問尸居氣勢驕白日隨郎聯騎去始知紅拂勝紅綃

因人成事膽決遜越公府伎多矣宜其所適姓字闇然

取盒

寶釵鳳履躡輕塵錦樣才華燕樣身一種親家皆國賊碧天飛去是完人

一田一薛品量無殊不殺親家公固自有見

雨夜

商飆依舊到林於倦客中宵感獨居風樹掠簷聞墮瓦雨燈生暈廢看書壯心漸欲

步楊本
作埠

圖溫飽陋室從今得掃除
竹枕藤牀吾故物
閉門佳趣在華胥

雨中渡江逆風行三十里抵瓜步泊

客裏扁舟竟欲東
石城吹角暮天空
白頭浪打橫江雨
之字颿行逆水風
歸計究從何日定
羈愁原與往年同
人生何處非巖險
波上萍連岸上蓬

寒夜舟中

曉霧東溝岸宵燈缺口門
矮篷連被蓋殘火得人溫
風水亦云倦彎跼那足論
檣烏能伴客不睡待朝暾

沙漫洲泊月

短席飄飄又一程
洲沙半冷暮潮生
鴉翻夕照亂檣影
鼃吼江風作甕聲
村酒頻沾謀夜醉
殘年自愛畏宵行
柁蓬卻望龍潭驛
漁火星星隔岸明

舟中望金山

玉帶橋邊路平生
缺往還中江湧孤塔一寺占
金山月上潮來夜鐘聲
樹影間客帆

西去急徒此望孱顏

夜坐

跌坐繩牀夜幾更一燈相伴翳還明
聞塵埽盡根猶在閒聽狸奴念佛聲

行吟

野步衰猶健行吟倦即歸
凍羊多散宿飢隼愛低飛
燒淺經霜活菘遲待雪肥鄰翁
閒似我鎮日掩柴扉

客思

客思悒悒強自支燈昏日落閉門時
牢愁小飲輒大醉不寐長宵成短詩
嬾出朋儕疑病廢家書小女怨歸遲
吾生合是離鄉草淮上春風吹鬢絲

送楊蓮府太史杏城孝廉昆仲赴嶺南節使幕府

渺渺南霄送雁行壯遊羨爾少年場
一星柱史隨龍節九日天風送馬當
杜老秋懷悲伏枕蘇家勝蹟話連牀
羅浮親見梅千樹應贈新詞第二章

原註太史瀕行畫梅有吟毫預為梅花壽

便算南行第一詩之句

別袁江

歸舟何遲迴一泊五晝夜清霜下城邑落葉響桑柘晨風鴻雁羣夕日漁樵舍浮梁
互在目河水日南下寓公三十載鄰好若姻婭臨崖勸我發忽復淚如瀉行止寧自
由柔櫓促雙駕去去逐秋蓬星月宿小壩

原註淮安城北埤名

過揚州

卅年一十九經過廿四橋頭夜聽歌乍得望江兒女喜重來譚舊涕淚多鹽網海上

黃金窟水利淮東白塔河

原註揚州近設隄工局

亂後煙花還似昔不勞過客問如何

自袁江返六合江行遇大風雨遂泊東溝口

斷梗難追萬里槎長風空自卷塵沙船身借浪為箕簸雨腳連雲擁礮車鄉樹多情
遙識面容遊無狀暫還家驚颿似解歸心急一夜喧濤催舵牙

是夜好月

野曠風高易得晴滿船明月送歸程江流直注一作黃天蕩山勢迴趨白下城自古
羈人愛鄉里可憐老眼見澄清廿年歷盡兵戈劫尚訝荒雞似舊聲

瓜步雨泊

風逆收帆早江寒入夜增雨聲連岸屐水影聚船燈小市茅柴酒遊方粥飯僧龍津
橋畔柳鄉夢一飛騰

由里赴郡子夜解維抵曉至江口

又挈全家去回頭果老灘櫓聲舟夜靜霜氣客衣寒匣劍隨人老滄江愛曉看茲遊
裁百里鄉思更漫漫

午後得便風過江泊燕子磯

好風催我片颿開逐逐南宵旅雁哀鄉樹接天人去後危磯迎面燕飛來山留倦客
停雙槳酒謝江神酌一杯道是還家仍隔縣淮雲回首釣魚臺

奉次吳吉府觀察莫愁湖春望原韻

城西鷗鷺美人閒，覓得盧仝屋數間。卅載狂沽淮市酒，一峯新占謝公山。早聞廣廈

延來客，好伴青春返故關。湖上女兒家不遠，衡扉相向鎖苔斑。

小隊臨郊淑景新，偶尋豔迹話梁陳。清時鐘鼓窮幽賞，勝日池臺宴早春。酒榼孤吟

曾屬我，桃花千尺乍懷人。原註：戊子客章蘊梓州，風義黃墟，遠愴念前遊，賸病身。

幾度樓陰歇馬鞍，圍棋舊迹認碑殘。一枰到底知誰勝，百戰成功自古難。敢發狂吟

悲廣武，幸邀青眼識方干。斷雲含雨孤村路，蔣阜青青儘耐看。

莽莽勞塵未息機，東風催我卸征衣。漫愁天外浮雲改，喜逐堂前舊燕歸。放眼古今

餘醉膽，關心煙水滿漁磯。石城回望增惆悵，倚杖清吟感夕暉。

于紹香觀察師倒用古府觀察莫愁湖春望原韻，依次奉和。

高門東海仰清暉，遊子南朝認故磯。流水聲中春漸老，鬱金堂畔燕初歸。賓筵快覩

新詩稿，酒暈重看舊客衣。記取莫愁名字好，白頭師弟共忘機。

莫作王孫失路看。原註：原作有失路，王孫一飯難之句。新詞傳唱徧江干，雲璈製曲音偏古。人海求珠

事本難老圃詩能覘晚節遲開花不厭春殘牢盆治績傳淮海天路煩公一據鞍
泝泝風埃寄此身平津館裏乍歸人愛紉蘭佩供幽賞喜傍荊州賦早春聲價敢言
逢薛下鶯花何處吊齊陳感恩知己今猶昔祇愧霜華滿鏡新
窮巷泥深積蘚斑任他幽鳥語關關春愁黯淡澆花酒鄉思迷離隔岸山卅載夢拋
塵劫外兩家居近翠微間長空無際供吟眺天闕牛頭相對閒

吳可園太守弟將行婚禮於六合唐氏夢余贈詩僅記一聯云鸞鏡團圓春月
滿蜂房孳息百花濃愛其清麗為足成之

草長西堂一笑逢催妝綺語互喁喁新詞愧績才人筆好夢應尋玉女峯鸞鏡團圓
春月滿蜂房孳息百花濃緘詩我願為紅葉竢爾妝樓共啟封

疊前韻並呈

水漲秦淮一舸逢纖鱗比日共唵喁牡丹風暖重三節神女雲開第六峯江上通詞
春信早夢中題葉墨痕濃七襄儻索天孫報記取綢繆小印封

謝公墩晚眺

薄靄平原俯莽蒼
筇枝輾轉上前岡
遙山欲闔鳥毛紫
新月乍升雞子黃
浪迹人間慚晚出
明霞天外愛餘光
浮生有酒須尋樂
歸語荆妻莫久藏

暑夜遣興

雨餘林薄暮煙暝
自挈交牀上小亭
雲氣四山藏遠電
池光一線過飛星
客懷漸怯秋風近
書課多緣暑夜停
莫道無人供幽賞
半灣弦月下前汀

夏日溪居

城西曠莽著衰翁
六月開門萬里風
海氣上天龍作雨
草聲貼地燕捎蟲
埽除少小飛揚性
長養兒孫道路中
老屋三間困煩熱
清涼山色照還空

六月十二日午後大雷雨

壞雲塞空如摧山
白鼉蒼狗馳天關
神龍掉尾捲滄海水
車倒灌青霄間
城西雨脚麻縷亂
雲罅日氣胭脂斑
人言勢遠不吾及
貪視奇壯開心顏
金蛟一掣光照眼
急

陣已過雞鳴山奔雷磕地逐人走回頭萬箭追征鞍癡翁脚健幸走免到家急上松
門環官橋人語忽鼎沸雷火下擊城西灣茅簷被焚馬震死原註雷火焚茅屋
數椽一馬被擊死似詔
赤黑誅神姦風霆流行細事耳聊用神道驚羣頑神功肆斂人莫識倏忽林梢挂斜
日明朝行稻過溪橋但見青苗高一尺

七月三十日清涼山寺佛會

清涼山脈連九華精藍祇樹紛天葩暹羅王子剖蓮社往來瓶鉢安僧迦一年好景
盼秋節六時仙梵騰繁哇孟秋之晦佛誕日黑月蝕盡金蝦蟆傳聞是日佛開眼神
光遍矚金張家烏衣少年白鼻騮秦淮美人金犢車燃脂鍊臂走屠僧飛斬夾仗連
官衙香燈卓地設低座原註人家列植香燭
於地云祠地藏矣萬人膜拜謹聲譁燭龍一瞬光十里空
山無地藏煙霞幸哉佛眼不時醒紺輪常閉青蓮花儻令日日作青眼金錢盡變恆
河沙歡娛易逝佛無語瞥眼又轉星娥棧山靈喜復清淨體松杉寂歷翻寒鴉癡翁
慣遊十方外會乞上座陳瓜茶

鬼車

八月十五夜當午天宇沈沈漏三鼓雲深月黑不見星宿鳥無聲蟲對語半天有聲
呼復噓自遠而近吹笙等呶嘍倏在我屋角又似走一作過百輛江州車兒童告我
鬼車載鬼有九首一首傳聞餒天狗周身逆毛十八翼九首環生荷九口首創碗大
血滴瀝血落人家多不吉我乞陰弓射汝形不見汝形聞汝聲汝身如箕不可見汝
口能作簫韶鳴鬼車鬼車爾縱不能攀鸞鸞附鸞鸞爾寧不知鷓三身鷓六足酸與
四翼翼一目九鳳九頭真汝族晝隱常隨鷓蝠睡夜吟潛伴鷓鷓哭胡為入城市作
妖孽令人疑汝一口有百舌九首縱橫日一作流血我聞此聲心煩憂天生鬼車寧
所尤鸞文鳳苞豈不偉乃為鬼役載鬼遊捩狗耳熱火燎禳法相傳值一笑癡兒伏
牀牢牢學狗叫

過龍蟠里作

龍蟠岡下水淅淅樵唱村謠半竹枝莫便風前同下拜曾公祠畔馬公祠

自龍蟠里歸舍復成長句

一例豐碑表去思，龍蟠里畔問專祠。居然軹里仇韓相，未必賢王殺餅師。魚腹困人

真怪事，麟經書盜有微辭。天方老將能談舊，原註謂穆華亭守戎親見王孫礪劍時。

醉後觀東三省暨高麗地圖賦示兒輩

東北輿圖半紙開，模糊老眼醉中揩。癡兒解說仁皇帝，雅克城邊舊界牌。

東藩球玉首朝天，全部勾驪境接連。二百年來甌脫地，茫茫際海是窮邊。

天山南北認新疆，五載功成隔犬羊。誰道關東恢復計，更無人繼左文襄。

韓使纔聞受賜回，索倫騎卒陣雲開。圖們江上新傳檄，知是誰家勁旅來。

緬夷愛隸英倫籍，首里新更大縣名。一種犬羊何足校，富良江外又休兵。

殘書破帽屬迂儒，酒畔輪囷膽氣麤。三駕虎牢寧得已，儻知爭鄭是良圖。

秋夜率兒輩讀書

生子當如劉景升，書叢坐守莫飛騰。寒窗此夜真難得，父子三人共一燈。

牌
楊本
作碑

識得青箱字五千童烏回首一潸然可知乃父如兒歲已作孤雛十二年

原註余八歲失怙讓

兒長振兒四歲今年二十矣

有謂余詩酷摹劍南者戲書示兒輩

南渡詞宗陸劍南卅年學步鬢髭高名已屬夔州判妙筆空追老學庵敢道前身是宏忍可無宗法付瞿曇慶嘉時局重回首老死湖塢大不堪

秋興六首

金風撼庭樹枝葉日飄飄急景催寒早霜原入望遙天心深愛護人事話漁樵傳說防秋急龍江隔暮潮

昔年劉武慎建策制東方但復沖繩縣便存南越王名藩據封豕神箭救天狼持重歸廷議英靈定不忘

萬里滇雲外荒荒阿瓦城似聞能自戰不覺已聯盟六詔藩籬地三湘子弟兵自從平洱海誰見漢家營

鼠竊生心易鯨吞放膽初遞書勞使節走陸達扶餘鑄鐵盤陀道飛輪火汽車圖們
衣帶水防禦莫教疏

舊壤連羅剎新謀保索倫兩京根本地萬里虎狼鄰玉斧揮初定珠崖棄豈真漢廷
用中策猶恥說和親

詔下龍城將何時仗鉞鉄元戎簡軍實猾虜待天誅青海出師頌金川戰蹟圖興安
嶺頭石議及勒銘無

神卜謠三首
凌菱舲

朱毫粉紙光晶瑩題門大字凌菱舲誰與卜者嚴君平吉凶剖決趨避明市門萬口
靈靈靈

真魚化龍

池中魚能化龍真者偽者紛揉中偽魚化龍魚目珠真魚化龍頭角珠真者去偽者

來跂跂脈脈朱門開偽者喜真者怒偽者已化錢龍去

春秋筆

褒貶明春秋經事文撰春秋傳識記貴春秋緯江湖術春秋筆

朔風歎

長夏熱惱天無風轉眼朔吹聲逢逢霜嚴雪急助威虐乘我屋破橫相攻十千債屋
倉山峯堂深七尺庭半弓今年夏熱困蒸鬱驕陽射屋光熊熊封姨爾日避何所肯
到漏巷低簷中與病夏畦寧為冬烘玄冥司令寒聲滿空夏風飄飄羅綺叢冬風掀
屋驚老翁威蕩悲鳴金戈瑋琮墮衾被於寒冰捲書冊為飛蓬排簷墮瓦聲洶洶兒
飢女凍噓門東噫吁嘻先生窮矣非真窮君聽嗷嗷天外之哀鴻

眼前

眼前突兀徒豪語歲晚冰霜愧久要長鈇三彈終不厭孟嘗高義本寥寥
抱甕自比朱居士擇友非無石曼卿指點空因一長歎朔風吹雪滿江城

雪後寒甚書感

天清地閔水泉涸

楊本作固

削玉千山縞萬樹窮林餓羽墮鴉鵲曠野行蹤絕狐兔龍公

一冬嬾行雪試手頭番比靈澍破衾昨夜冷侵骨卧聽繁聲颯回互三更簾幌動曉

色徹夜雞棲鷺半露晨興啟戶目睛眩轉盼庭柯如立鷺共風入領鬣縮項凍瘃侵

膚蛇退跣蔥湯麥飯豈云飽至竟家居勝行路故人僕僕困旅食馮鈇三彈託愁訴

平時俠語盡狂嚙摸索空囊竟無措療窮未用乞神術檀施先須習禪悟坐深慚悶

不可言起覓窪尊歎殘注

對雪

對雪令人潔塵濁一以蠲所恨晶玉姿雖潔不自堅寒極春欲回朝陽生微妍凍地
倏銷融蒼滴時濺濺下作沒脍泥上作承雷泉織屐便持行十日無晴天病夫不出
門鑿古開陳篇利弊各得半往事紛在前作計便一時遺患乃百年善始躡其終情
勢所必然掩卷一長歎凡事無兩全

雨雪不出門

楊本下有亦無來客擁表
閒坐作為此詩十二字

壁倚青藤杖苔生白板扉
寒瓶梅特健春雨雪兼飛
駿骨寧論價仙禽不易肥
街泥

深一尺莫怪客來稀

盛世

盛世安耕釣幽居傍草萊
愁多翻自笑嬾極似無才
市酒宜狂醮江梅恰小開
兒曹

奪筆硯天_外有詩來

一作東風作春
意偏送雪聲來

歲晚閒居

急景荒原晚幽居逸興增
池冰膠鰓雁牆日釘癡蠅
投藥封齊酒藏笈疊蜀籐

一作

今朝不虛過買得讀書燈

一 狸奴失去復歸隔宿遶
斃悼以此詩

吾家玳瑁奴三載列家畜
雖未空鼠羣恰不盜殘肉
一昨忽失去走覓勞婢僕
未幾忽自歸鬚爪盡鉗禿
創深遽自斃相距裁隔宿
鷹飽即颺去鶴縱定不復
汝既被禽

擄徑合食其粟胡為苦戀主瀕死誓歸骨魚飧尚盈碗書冊仍在麓物情有如此舉
眼動高矚嗟哉于將軍枉死西陵屋

十二月望日石頭城晚眺夕暉未落璧月已升奇景可紀成詩而歸

圓暉挂西峯皎魄出東嶺是日月幾望激射炫奇景登高許平視肩背適相等橫眸
左右顧緯度合虛景蒼龍蟠蔣陵明練動江影熒煌炫日晴歸舍憩腰脛洞開東西
戶兩壁納晶炯對線限畧刻斜射變俄頃凌空升玉盤墜海沒金餅溫暾延陽曦坐
玩愛宵永天公慰羈人嘉貺遞相引君毋笑凡軀已據明星頂

新正二日述懷計與袁江同人別又兩閱歲華矣

元旦今年未有詩雞豬排日補新詞溪流凍合風猶勁江國春回柳已知久住漁樵
皆熟識餘生飽暖愧清時登臨那待達人日兩載離居有所思

金冬心畫鷹

城南骨董家比鄰滿架球璧光璘彬晉書唐畫列奇蹟劣者索值猶百緡眼光一瞥

爛巖電昔邪居士筆有神畫梅畫馬畫佛像腕底餘力迴千鈞楚公已往有真嗣枯
槎逸翮森嶙峋市人撐目辨真贗評駁紙墨相斷斷老夫論鷹不論畫怒氣一擲頭
上中妖狐黠鼠閔中夏跳梁拱穴據路津此鷹果是海東種星眸玉爪殊絕倫逐邪
不嫌動殺氣指蹤豈遂無功人但令一搨下晴昊坐見四海清煙塵俊物只愁不可
致披圖肝膽空輪囷

金冬心畫馬

仲圭畫梅專畫骨曹霸畫馬不畫肉冬心畫梅梅道人冬心畫馬曹將軍此圖不必
論真贗高蹠促節迴絕倫僕令得此三萬匹可以橫埽東海濱嗚呼三萬匹馬何足
論二三豪傑何逡巡

雨後望東山

一夜石城雨朝陽破宿陰溼雲垂腳重新綠沒腰深旅食祈豐歲窮居愛故林東山
青在眼出處費沈吟

宜山春晴

晴暖憐春好，芳菲戀物華。
健蜂圓翦葉，行蟻倒拖花。
借睡消長晝，看雲幻晚霞。
城南車馬跡，端不到山家。

縱遊城西山水勝處

石城西北徧躋攀，
得營邱畫稿還。
倒影雲霞明鏡水，
夕陽樓閣滲金山。
分無林壑容吾嬾，
暫得優遊亦是閒。
手拓吟箋張素壁，
松風一盞洗塵顏。

移居皇甫巷率兒輩拊擋訖戲題齋壁

風絮波萍自可嗟，
巢痕未穩又移家。
白頭江上半間屋，
紅杏客中三度花。
尺二匣安靈壁硯，
單雙旗淪浙山茶。
兒曹好記幽居樂，
齋閣新題蔡少霞。

新居爽曠較舊寓為勝郊居晚眺率爾書懷

長夏郊扉向晚開，
夕陽紅處見樓臺。
殘霞帶月粼粼沒，
歸鴨橫溪乙乙來。
二畝秧田籌活計，
三年檜木記新栽。
半生奔走江南北，
賃廡悠悠又一回。

小時常夢至一處廊廡位置絕似冶山道院閒遊過此戲誌長句於院壁

謝傅墩西竹樹幽偶攜竹杖一夷猶陰巖正午常如暮老樹逢春亦似秋山鳥有情
時喚客雲房曾記夢來遊前身儻食飛魚死沙海行蹤合小留

夜熱起步門外

宵闌殊未減炎蒸巾鞵拋除愛獨興柳角東西風轉向雲頭黑白電分層蛙喧廢圃
初過雨犬吠行人夜見燈卻憶茅簷霜雪夜寒甌擁膝耐嚴凝

虛堂

虛堂晝永熄爐煙漏屋低門靜習便老病劇時拋藥裹荒田典後望豐年江山興廢
還鄉鶴風月清娛載酒船欲寫小詩攄積抱夕陽無語下平川

晚涼

暮色煙籠樹晴潭水映空霞文護新月雨氣隔殘虹漁僧三家市村鄰萬竹風納涼
宜小醉徑欲訪無功

禱雨詞

日色杲杲雲容舒舒楊枝蘸水青折膚神旗翦帛黏靈符跂跂脈脈龍入盂蟆背火
字丹砂書左列僧道右祝巫木郎秘呪歌鳴嗚大官徒步行行者避道塗壇前稽首
屈兩趺乞雨三尺回彫枯秧苗重生瓜蔸再蘇蝗蝻盡死疾疫除盜賊不作民安居
此倉彼廩豐有餘連肩接趾輸官租秋成報社陳雞豬珍糝堆几酒百壺人事既盡
神歡娛若猶不雨斷死屠

原註舊例禱雨不應輒並藁魚
乾腊五葦禁之謂之斷死屠

久旱紀言

海風吹雨不到地赤日黃埃吁可憐溪潭枯竭井露底兩月山頭斷雲氣分秧節過
穀苗死縱沛甘霖亦何濟村氓束手救不得目斷荒原日流涕官符火急諭鄉社巫
祝紛紜走羣祭不論祈晴與禱雨禁酒斷屠有成例怪哉乞兒識古法繁露泥龍蟠
黑蛟一錢乞假助歡叫狂走東西侈神異南村病翁老無識目覩紛紜詫兒戲天人
感召有至理豈以童騃獲神庇翁言迂謬足可哂亦似憂時抱深意老生常談實不

常不信但問監門吏

久旱斷屠禁酒偶然把盞聊紀數言

城西僻地日荒蕪傳說街頭下縣符野老也知憂旱煨空山不解斷屠酷
白定尊空嫩復開畫又倚壁黯生苔叩門聲裏有奇事舍北老翁送酒來
敗葦枯萍積滿塘摸魚人喜得鱖魴癡兒狂笑哆箕口買得銀鱗尺半長
野人聾聵百無聞早起悠悠又夕曛酒罷飯餘何所事空階癡立看閒雲

惜雨行

不雨

雨

雨

雨

雨

雨

礮雲壓陣墜飛簇急溜排簷倒巖瀑可憐兩月望穿眼一夕窮鄉墮珠玉此珠此玉
來自天恨汝不及霑秧田晚禾補插苦無種豆塍麥隴皆童然好雨過時固攸濟且
殺蝗蟲驅疫癘先幾坐失悔亦晚豈意天公同此弊城南少年冰玉姿也惜澆花雨
到遲翠簾晶枕迎風簟檀板清謳喜雨詩

夜熱不能睡徒倚門外久之

夜暑醒嫌枕深宵倦倚筇雲層明掣電月暈缺迎風吠影喧鄰犬驚秋動候蟲吾身
忘等觸熱惱漫相攻

秋原

荒原風日足虛清野步道遙亦有名無竹便看蘆亦好攜兒仍賴杖同行已忘旅鬢
霜秋色那識浮雲幻物情淮水清波鍾阜月五年笑我說歸耕

城西野步

禾黍村邊曳短筇城西幽寂稱閒蹤鐘搖山谷應聲外塔動溪潭倒影中帶雨雲歸
饒倦態霜葉老愛殘紅歸途莫厭吾廬遠照面銀鉤印遠空

岸幘

岸幘衡扉外支筇夕照間倦禽飛更急飢犬卧如閒買酒城南市聞鐘舍北山荒居
有幽事聊得憩塵顏

秦淮秋柳

流水涓涓照鬢絲，淮清橋上立多時。
秋風無數秦淮柳，只欠漁洋一賦詩。

紀遊五首

於水涉河淮，於山歷衡泰。豎儒胸次窄，曾未一蒂芥。
倦遊卧閭巷，衣食困塵壒。偶然縱耳目，豈復志遠大。
培塿尋淺壑，岑勺弄幽派。掉臂無何鄉，輿軼天地外。
高秋呼朋儔，驢步借輕快。

朝步鍾山陰，午抵觀音門。中間十里許，魏冢連岡墩。
勝朝肆誅辱一作乃在龍興年

徐常死獨早一作獨典禮安，且敦岐陽帝。姊子肺腑連，天親墓門何蕭條。
石馬一僅

存九江，紈袴兒逆命墮。舊恩昨過方景祠，宰樹煙昏昏。
一作

中休得旅店，野飯羅村蔬。郭門夾兩山，隘口如懸壺。
舉手指隔江，咫尺連村墟。一作

不見通察遠，反瞭如靈巖。如卧蠶塔影，矗碧虛劫前。
石帆山草樹秋蕭疎，故鄉已無家鄉思。何

躑躅燕磯昔曾遊，一覽無復餘。正如惰學兒，怕理舊讀書。
好書不必奇，新義即可喜。巖山十二洞，三台尤具美。
得全殊不必拔萃，斯可矣。蛟行

入巖腹蟻附緣石趾山腰綴蜂房小不容榻几野馬遊塵際醯雞舞甕底茲山亦云
峻高處見百里儻令陟其巔形勢得聚米自憐腰腳衰鐵杖扶不起
落日催歸程迂曲厭來路遵行得大道得得信殘步十里得勝門煙鳥已滿樹我思
梁將軍破敵哮虎怒功名得際會疑若手可唾城荒竹木盛路黑灣隅設哀喘瀉坂
竇暗草竄狐兔清遊不敢嬾出入犯星露吾廬幸非遙燈火望前隰

食蟹

今朝有奇事買得四團共村酒濃兼淡霜薑辣帶甜道塗生計薄饒嬾老來兼特殺
非無戒逢秋暫解嚴

村夜

白頭贏得白身歸原註用成句未晚村閭已掩扉照水寒星光四出過江飢雁影孤飛齋
鹽軟歲銷除易腰腳衰年氣力微逸少縱遊甘樂死千秋悵望一霓衣

題宋石來畫山水冊

死揚本
作苑

南遊我昔垂雙丫洞庭瀟湘浮虛槎白波青嶂恣奇麗山靈有意驚童牙勞塵一瞥
墮中歲兀兀席帽衝風沙岨嶮曉色望松雪黃河夜檣飛浪花名山大川足奇氣失
意一跌追鹽車年來老病卧閭巷秋風雪鬢吹髮髮人間乃有子宋子短策肯向蓬
門過探懷示我八尺絹坐令破屋生煙霞江天亂帆破空碧楓林斷壑翻昏鴉漁莊
蟹舍足幽翳更展平野鋪桑麻衡陽雲麓忽在眼太行左臂森龍拳平生壯觀本無
幾取擬恰不亮釐差固知勝地世常有祇惜敝簾艱搜爬勛名富貴豈所望藏身小
願良非奢何時賣書得錢買林壑與子隔牆相喚東西家

飲殘菊下

搖落深冬節荒涼淮水濱有花有酒日可笑可憐人歧路增家累

原註近為
讓兒授室風埃寄

病一作此身一杯聊自慰珍重度霜晨

劍南詩多憂時感事余枕藉陸詩久偶涉形似兒輩於談時言及示以此篇
世人學工部鏡象求真詮無病而呻吟於義奚取焉劍南實杜嗣貌改神獨全風雲

鬱奇情花鳥悲殘年念念在恢復語語收幽燕破虜大散關卻敵瓜州船其時實艱
難孤憤憑一宣我生值清時碌碌遊市塵一言偶踰分聽者嗤狂顛況乎忠孝事非
在言語傳男兒期報國奚取張空拳得志有所為藉手相周旋不然即箱口老死道
路邊放翁誠詩豪何如焦孝然

改詩

作詩負狂癖嘲啗隨村謳改詩思蓋愆晚節勵好修東施醜婦人陋質忘痔瘡中書
禿老翁筆力窮雕搜那得文豹皮來補百衲裘昔賢重改過朝夕思愆尤不為行誼
圖乃於章句求攢眉困錘鑄愛好誇朋儔百計以悅人此念先可羞從今誓棄置拉
雜填溪溝昏昏付醉夢歲暮姑優游改絃而更張軍國之良謀

野處

野處耽幽寂塵容積老蒼飯香催病起睡晚減宵長白塔山迎日丹林葉被霜匡山
歸自好只欠讀書堂

冶城西北麓云是謝公墩舊日山邱感秋風漏澤園

原註冶山北雲煙劫前寺鵝鴨是叢葬官地

水西村待覓鍾山宅霜筠蹟尚存

內地捐心腹華居闢莽榛樓臺半天影職貢五洲人地僻桑麻少山深雉兔馴空齋

埽卧榻醉膽鬱輪囷

餘生得溫飽撫事忽躊躕官道棲流戶新科走縣符江風吹雪散山井入冬枯回首

驚惶早監門又繪圖

宇宙方無事貧居獨苦吟歧途遊子淚時局腐儒心海氣添朝冷山霾積午陰陶君

甘寂默新蓄沒絃琴

題冶山道院

冶山西北麓野步得雲房鼎臙烹茶熱鋤分斲藥香亂禽喧日夕馴鶴看人忙道士

頭全白丹經合盡忘

擬古離別

明星高高天嚮明牆頭不斷羣雞聲紅燈照淚雲散雨君行妾居兩無語勸君勿作
兒女嘯前軍已戰天山西戰天山喋虜血那畏人間有離別羣雞鳴天正曙不畏
長征畏長戍征婦長偎錦瑟眠征夫坐老天山路

冬暖蝗子有復出者作長歌紀異

江南冬暖不見雪二九無人知粟烈春乾夏旱意未已被野秋蝗恣狂齧禾苗齧盡
草根死翅股振振孕遺孽北風不寒水澤枯那待春陽助牙茁人言是物應兵氣出

土備鞍裁一瞥原註蝗子出地數日羽汝能速發禍尚淺原註時大府比似漬癰拌

一決大官遇事乞神佑更借飛靈埽殘孽但令入地一千丈禍本災源盡銷絕春江

水長風卷沙平灘淺瀨翻浪花遺蝗絕地不得出出亦盡化為魚蝦江頭老饕笑鼓

腹飽嘍江鮮待秋熟

自號笨翁戲述四首

舊舍標迂圃新街號笨翁營營人世事蠢蠢古初風拙計求隨俗清時合耐窮回頭

樂楊本作
孽孽重押

語兒子甘與汝曹同

敢道庸為福聊憑樸勝華荒涼皇甫巷黯淡病夫家女巧工炊粥妻勤解績麻自憐

猶識字憂患落天涯

眼閣猶書字身窮未廢詩新寒賒酒夜積雨閉門時忍被聰明誤翻嫌覺悟遲從今

知省事應得號天隨

別有癡頑癖吾身集數長嬾師嵇叔夜狂愛賀知章襤襪求形似經營為口忙他生

兼福慧懺力仗空王

無聊

鬢向歧途短愁憑薄醉銷詩寒清見骨杖瘦老彎腰身後方干榜車前司馬橋癡翁

都不羨莫是愛無聊

對酒

肺病不思飲見酒輒作惡今晨忽破戒遣悶以為樂讀書欲何為初念已大錯四十

不得意五十益寥落鄉閭付劫灰客路守空橐犬羊闕中夏毒霧日噴薄槃行敦風
好條例譯新約腐儒劇可笑憤詈卧溝壑悲吟襲杜陸毋乃不自度荒庭一尊酒不
復嘗狂藥謀生愛溫飽避地入寥廓草間聲啾啾忍凍下簷雀

病夜戲述

孤村四面皆荒畦草深樹密廊宇低窗扉黑閣鼠晝出上下屋壁如階梯寒宵風雨
氣凜烈鼯狸出穴鴉爭棲怪鷓都虛聒人耳啄屋競作嬰兒唬病夫僵卧禁不得彈
射無力增沈迷太陰之弓救月矢當用不用悔噬臍卻思忽復成一笑人生何用分
溝蹊汝曹自喧我自寂忍與烏鼠相推擠塵根耳眼一齊斷華胥一覺含天倪青天
白日會相見喔喔窗外聞晨雞

日落西南隅

日落西南隅侵晨出東方死人入重泉一去何茫茫豈復辨某甲糞壤填谿岡文獸
留其皮歲短光譽長彼日沒虞淵地底仍輝光諒哉古志士汲汲求不忘

訪周孝侯讀書臺

旄頭壓營鼓聲死梁王歡笑夏侯喜至今淮水讀書處怒浪悲風時一起我來訪古
城南臺危堞岌業山雲開斬蛟射虎奮折節惡少固是英雄材銅駝草沒舊宮殿幸
矣將軍不親見早拌項脰報君國中原轉瞬蛟龍戰憑欄四顧空流連江楓夕照明
遠天不殺賊當被賊殺願公勿惱齊萬年

臘月三日冶山晚興

歲序闌珊日嚮暝不須衰鬢見重青樓光黃處受新月日脚紅邊接大星待看江雲
霏臘雪原註夏秋旱蝗入冬雨雪益稀少愛攜筇竹上山亭椒盤彩勝兒曹事蓬戶荒寒合早扃

倉巷橋晚眺

霜葉濃薰千樹酒寒鴉飛過一天詩先生冷醉閒吟處記取倉橋拄杖時

望雪謠

一九已過二九來三九四九晴雲開眼前忽忽過六九天涯喜見春風回去年得雪

不滿地今年農家失午季

原註鄉俗謂
麥秋為午季

今年雪花一瓣無來年麥熟勞追呼即今井

竭潭露底溪萍岸草根苗枯鄉社到處喧官符壇墀禱祝驅羣巫應龍不上女魃下
赤黑忍不行天誅祇有蝗子應春氣氾氾出土徵昭蘇村翁無聊搔白首默計貧家
剛八口但令飽飯遍一家一日居糧猶半斗

辛卯除夕

電掣星馳五十三回頭光景去駢駢天心似轉一元會人事新添幾熟語雪壓江雲

垂遠白風吹淮水皺微藍明年春色來應早人日題詩倚半酣

原註新正月初
六日立春

齒墮

天公乃見憐畏我不知老連年遞消息髮白面枯槁勞人悍不顧衣食困奔擾前年
左頰車病齒生痛惱牛飼喂麥飯馬口問翁媪今晨忽解脫快若鄰梭擣風排一土
囊杵碎半瑪瑙幻軀搏四大我豈常汝保請作白骨觀塵識淨如掃取眎昌黎翁相
顧一絕倒

石頭城晚眺

危樓高與遠山齊，暮靄平皋入望低。
野水白搖漁艖外，江霞紅落雁行西。
輪蹄力盡仍攜履，遊眺詩成嬾命題。
五里歸途渾不遠，更呼山月伴扶藜。

秦蘭蓀部郎囑題扇頭陶伯治畫梅伯治先友次樞子也

健骨荒巔各耐寒，十年握手又江干。
故人留有冬心筆，一種梅花兩世看。

夜登冶山亭子

夜氣森然靜不詳，憑高猶足盡天涯。
原註朱子詩孤亭一月盡天涯斗杓明滅星三數，樓閣高寒月

萬家自怪良宵拋，醉睡每因登眺歎。
年華危亭欲下還重倚，君聽江濤咽戍笳。

重過冶山道院

閒蹤突過冶山亭，道院無人喜再經。
溪雨點泡魚上噉，蒼風飛毳鶴搜翎。
夢中了警

今垂白竹上留詩舊，殺青準擬一年來。
一度欲攜瓢笠問山靈。

王企張農部饋皮酒索詩日久未報復，蒙見索戲呈俚句。

謝君饋我酒一斛愧我欠君詩一幅村僮最怕作詩苦連酒帶詩吞入腹酒味不如
詩味甘苦中正味原醇醇原註皮酒味苦作詩未必合君意一笑詩中有酒氣

病起對食作

清霜催病起饑口欲生津鮮蚌琉璃殼斑鱸玳瑁鱗餘生惟恃粥不死會嘗新只惜
雕胡老人家爨底薪

春晚散步西城村隄間

竹樹聯娟井徑幽遇無人處輒勾留糝衣雪暖松花粉輟地風香柳絮毬物態靜觀
殊擾擾雲心如我更悠悠歸來一笑誇鄰好不出城隍也勝遊

新得女孫阿第

客路歡悰少庭秋暮景斜偶然占小喜恰似得么猓號欲更吾祖

原註宋史趙德明事慙應似

若奢寢牀迎吉利酒在任狂擲愛聽嘯聲小先看繡祿華脂痕新點額靨輔淺含窪
膩理融酥顆纖拳茁玉芽乳香鄰媪說眉秀阿婆誇自笑孤飛鶴常攜待哺鴉也知

憐鬢髮幸未厄龍蛇

原註今年歲在壬辰

獨奈渠儂父偏椎博浪車
桐低遲結子藤細早垂花

兒戲心猶在金根寫尚差
定應如我愧已自作人爺
未免奢心在平添笑語
詳鄉愁

全減否酒戒近開些祇願為農婦
慚非出李家

原註德宗時詔求李白後得其二女孫為農家婦

詩成一撫

掌天外有餘霞

夜熱

夜熱不能睡
焚燒何太頻

原註用成句

風痕涼在水月氣悶蒸人肺
渴添衰喘簷低畏欠

伸雪山三萬仞
吾欲鍊凡身

邵雨村參軍囑題令兄典章避兵遺照

一年識君淮陰市
離瑜旋勒相思字
一年訪君都梁山
春風客鬢生秋斑
一年逢君秣陵驛
湘荃欲老神先泣
一年哭君畫圖裏
殘練待喚驚魂起
淮濱烽火闇雲日
脫險當年事可喜
中興一頌三十年
人事過眼如飛煙
君身雖往有佳弟
唐華覆戶陰聯
媿捧圖乞我紀韻語
腹痛回頭懷舊侶
三年綴詩詩不成
白頭歎逝難為情
窗風

勒楊本
作泐
雲楊本
作雪

和我吟詩聲

薄暮登埽葉樓

石磴通危堞僧樓敞夕暉潮推江月上山吸暮雲歸徒倚青藤杖蕭疎白衿衣佛燈
青照眼相對意依依

火車謠

時議開鐵路由鄂省直達燕臺

海濱頑石不受秦皇鞭海中仙山乃泊徐市船不媚天子媚方士海神顛倒持其權

吾知海若意有在玉步森嚴難可改彼方士可以挾男女三千人楊本無人字為逋民而

王者不得越畿服五千里楊本無里字而入海海東島嶼何茫茫徐市知地圓不方目不

可望足可至飄然竟作中流杭千秋首禍出中國至今火船鐵艦來相望不願鼓柁

窮扶桑但願驅車登太行太行險拔接天日覆轅折臂吁可傷當時誓神不走陸事

後思之計亦足呼兒出金買車馬馬千黃金車百笏嗚呼周公作者古聖人飛車又

市讀若市見史記
與市井之市不同

送奇肱民

經年苦旱歲底忽得大雪前數年所未有也支鑪試茗輒紀長歌

三年江南不見雪臘月温暾如十月今年夏秋更炎亢南北山頭雲氣絕老翁空村
屋仳仳不餓死當憂渴死虞淵日入水泉竭夸父狂奔安可止鄧林擲杖化枯木涓
水骷髏赫生齒血不足以膏禾黍肉不足以餒窮子豎儒枉死有何濟使假簪纓當
可恥玄冥解難生層陰松敲竹夏流清音開門一笑詫奇絕千樹萬樹皆瓊林書生
貪癡絕可惱有雪無寒方道好乍蒙天澤極枯渴又恐祁寒驚里老哦詩莫作清寒
詞卻勝肌肉蒸炎羲呼兒洗鼎煮冰玉為我滿泛青花瓷

屏息

蒼雪垂晶雷溪冰簇纈紋戒中仍病酒閒外但看雲大賈鷓夷子威名馬服君兩般
都不著屏息對鑪薰

題潘清畏侍御詩稿

避人瑟縮棲江潭口嚼冰雪知回甘
戴笠喜逢杜陵叟騎牛待覓楊升庵
青蒲風節動京洛紅顏婉婉歸江南
藐姑仙姿不可見臨風搔首霜鬢鬢

大雪酷寒左股瘍生頗為所苦病中讀四明沈君外國志略輒書卷後

濁酒凝塵塞凍壺敗簷穿雪落衣珠
小創未必連心腹外患真能灼體膚
人說邾君

因火爛

原註初為鑪火所爛遂成瘡疔

自憐跛卻要人扶雄心撫髀憑君說
能斷匈奴右臂無

歲暮病中

健骨撐寒亦僅存歲闌猶得住空村
家無長物愁添債鬢有霜毛愧受恩

原註吳觀

太守弟饋歲饋藥情意敦摯

沒履泥淹深巷雪書牆墨浣去年痕
傳聞鉅患侵心腹

原註聞俄夷有蠢動信

小瘡區區那足論

原註右股患瘍卅月矣

病夜

夜楊本作足

藥鈔茶鎗鍊病魔呻吟聊足當高歌
夢回骨痛枯骸在嚙語燈昏故鬼多
離亂事從三歲記道塗強半百年過
青溪舊有烏棲樹徹夜酸嘍奈汝何

病後戒酒日遊東城山水佳處

依舊餘錢拄杖行柳墟槐墅徧東城天魔已伏維摩詰因飲休邀石曼卿林鳥避人時上下山花著眼更分明歸途愛煞閒雲影雨後溪光鏡面平

兀兀春愁病骨寒江天岸情

一作無限

思漫漫世情盡向醒時出山色何如醉裏看淮水

輕舟勞泛梗高陽舊侶賸憑欄東林佛社如容我請向齋壇一倒冠

賸楊本
作剩

紀夢

蜉蝣寄天地蝴蝶為莊周高枕發奇情忽剗山中愁忉利天將軍大纛赤火旂手畫小千界足輾大九州貳負石室尸長狄專車頭卯翼呼韓邪部落鬱越洲九首開明關萬仞軒轅邱猘貽潛其蹤雞犬皆優游夢中一唵叱江海為倒流

春深

謝傅墩西竹樹荒春深旅思浩茫茫市籃筍老挨門賣僧舍茶新選客嘗拄杖徑須呼道友鉤絲常擬弄溪光回頭笑指閒鷗鷺若輩塵心合盡忘

舍北人家插秧

百畝分秧雨後天
疏行短翠乍芊芊
豚蹄旁祝有飢客
蝗旱驚心憶去年
正午驕陽蒸汗背
高秋滿擔壓賴肩
豎儒解袖空空手
歸看齋頭破硯田

題陋軒詩集陋軒為周司農王文簡公所
知當時遂有冰冷火熱之謂余不謂然

冰冷吳野人他熱未肯附人謂明遺民自號窮竈戶
身窮富文翰頭白戴草露詩冷如其人冰雪颯寒
返云何周司農肯以一目顧鐘鼓饗糜鹿車騎載
鷗鷺豈知此老心江海氣東注心傷舊甲子淚灑
今道路衰腔有熱血冷尚濺百步風和彭澤柳月
冷東淘樹陶公毋強同不同調同遇

省事

省事村居便長貧老味耽溼薪風鑠燥鹽井雨添甘
佛世今賢劫山緣舊住庵蒲團一席地吾欲問精藍

送讓兒試鄉闈十四韻

仲秋初七日更鼓第三聲喚醒癡兒夢能令老馬驚一科吾幸獲再接汝姑行

原註讓與

弟振已兩應鄉試

敢作元魁想須知骨相輕高材多跡弛詭遇仗經營似爾村愚輩違同福

命爭規條遵約束題義認分明構局須完善橋辭務穩成古來論將略不盡用奇兵
涼序雖云近炎威卻未平薰蒸防致疾寒暖慎調嬰弟病宜居守爺衰有替征霜顛
堂上景雞肋榜頭名回首親嘗境蒼茫老淚橫

即日

碕岸二三里筇枝一再過將遊醫嬾病仗酒解愁魔老屋青山夢荒江白鳥波石頭
城畔柳搖落奈渠何

七月十日驟雨極涼

火甌冰壺倏變更高梧巨竹送先聲風頭攪霧黃遮道雨脚連山白進城急陣已鏖
殘暑退客愁還傍晚涼生王師觸熱三韓路會見天河洗甲兵

醉眼

落日雲金色新晴天龍痕遠山猶帶雨孤杖自依門海上蛟鼉氣城西禾黍村吾身
餘醉眼蕭瑟向乾坤

題歛鮑次範明經空山抱璞圖

膏蘭具甚美美甚轉自毒天公寶鴻偉閉匿藉山腹君能解天意肯秘荆山玉黃山
實奇秀趾踵壓天目撫呵役虎豹歌嘯對麋鹿我亦有贖寶鼠腊炫流俗一溷長安
市五刑卞和足羞為倚門笑待覓幽人谷君能管仲我是亦古鮑叔剖開黃海雲假
我青山屋巖泉洗面垢松吹解塵楛我寶定不售君玉豈終櫝神交請自今千里望
高躅

題陶伯冶小照

若翁別我忽一紀地下詩魂呼不起當時惡謔耳猶熱常以矮張嘲短李疎眉細眼
面有墨秋蘿病竹寒相倚是時君裁舞象勺字好文工噪鄉里黃鑪日月風轉輪舊

贖
楊本
作贖

侶送盡餘陳人鷓鴣虎子破塵出與子抵掌滄江濱長劍上謁平原君寫真喜遇曹
將軍相君眉宇豈凡骨畫圖豪氣凌青雲若翁短黑若長白丹穴奇毛見風格忽令
老淚墮如綆落月屋梁憶顏色秋風蕭颯白下亭渚蘆岸柳霜伶俜客子閉門月皎
皎淮水照眼波泠泠為君題詩雪色屏勸君倒飲蒼玉瓶一身倏忽閱兩世歎我雙
鬢何由青

城西山水絕勝處人家蔬圃豆籬相間遠望遐想思得卜鄰
百萬買鄰曲城西賣菜傭一灣水楊柳四壁木芙蓉績室通宵火杭槽借曉春只愁
塵土質未必肯相容

後秋興六首

秋城驚海沸消息但傳訛幕府新催戰邊防舊主和江鳴溫嶠楫日短魯陽戈醉夢
蓬門叟深宵泣薜蘿
盤杆通兩境藩輔壯三韓苦陋城偏惡邾盟毒未殫東征徐市遠西日析津寒憶昔

龍蛟戰蒼茫拜將壇

已固雲中守重增白帝師一隅憑地險六道會軍遲海氣金銀窟兵威虎豹旗前鋒
應誓戰形勢控南陲

大將樓船號高轅陸路兵天邊回殺氣海上足長城出沒扶桑島逍遙細柳營吳淞
好門戶扼要見軍情

封豕貪無極中山輟尚存牽連臺北郡格鬪國東門急為安三輔還思保七鯤毋令
率然勢掉尾海雲昏

斥燧秋山紫朝曠海氣黃飛揚瞻帥節竊憤到村信親魏卑彌號銜戈楚國殤所悲
餘老眼獨立向蒼蒼

偶興

近來情緒減無事不為詩苦酒微酣後危樓極望時江寒水東下天遠日西馳聞說
韓京捷關門又濟師

新寒

今年霜信早催老菊花
天鑪破愁生火裘單更疊棉
溪痕寒落岸山脈暖通泉
莫惜村翁老年來雪滿肩

欣

不

溫州

日長山靜草堂詩存卷下



六合汪達鈞少浦著



疏淮

接揚本
作九

魚揚本
作龍

東關疊閘高接天三層九術何軒軒內水九天外九淵閘外一水茅峯源盧山別派
 流濺濺閘內水與青溪連天津橋底行車復半灣稠綠萍藻牽漫流直抵城西塢夾
 岸亭榭通市廛厠踰濯漑兼便旋圻圾灰壤瓦甃磚木石竟作東海填中泓一線摩
 船舷銅瓶汲取蛟魚涎釜甑蒸煮調腥羶齒黃重脰瘦頸懸腹疾敢忘河魚痊祖龍
 掘鑿開平川建瓴東下形勢便六朝朱雀橋航聯受禪老臣初改元讓皇高拱江東
 偏潛師閒道防攻堅築關建閘封泥丸城隅不許進小船只令水櫃通涓涓來源阻
 塞不得前沖決漱刷生渦漩一千年過如飛煙下者益下深及泉高者淤墊為桑田
 耳聞目見非調謫大府昨采官吏言開闢水利謀所先裁撥官帑停民捐水衡不請
 司農錢清渠行見一邑傳閭巷喜笑春風顛老僮亦復開愁顏呼兒出沒分清連瓦

鈿一勺松風煎疏河排泗籌其全盍以此法行垓垓毋令水旱驚堯年

晚步至青溪

架水長橋在銜雲落日昏林風逐鴉起

楊本作林聲逐風起

溪跡過牛渚山鬼青蘿宅秋懷白

下門淮東古時月歲歲照羈魂

青溪

青溪能幾曲路盡北城塢寺近鐘搖客波長鷺引船淤痕後湖底闌影劫灰前汾澮能流惡秦淮清淺邊

鍾山絕頂望郡城西偏金碧駕空皆西人樓宇也江上輪艦往來鳥逝雲委華

船則星星點點不可辨瞻矚之餘憤抑無已書長句於巖石上

絕頂煙嵐萬里開醉騎龍膊一徘徊城中巍閣有時見天外飛輪何處來白日西馳朝氣在大江東下雁聲哀酸吟題徧摩巖字盼煞燕然勒石才

秋野晚興

霜氣逼江城城西冷處行巖泉收凍滴風葉墮乾聲野水兼鷗遠高天帶雁晴端居
看徂歲未敢怨勞生

晚步

向晚意忽動溪頭曳杖行悔耽終日坐只博一詩成落景紅在塔寒鴉聲入城衰遲
吾不厭高眼矚時英

有歌者攜一女鬻技於市所持扇頭畫秋邊小景絕佳

誰寫秋光到北庭蕭關木葉散零星夕陽峯影移駝背大漠風聲落雁翎海上軍書
還擾擾江南草色正青青祇憐破陣新翻曲長向吳娃扇底聽

聞鐘

中履隨心出村墟負手遊楓林寒換色野潦退留溝六十記僧臘十千添酒籌鐘聲

城北寺

楊本
作市

吾欲寄悠悠

寒村

楊本有作
歌二字

誰寫寒村入畫圖
古槐衰柳路盤紆
牛閒牆角朝曦暖
鷺下塘坳潦水枯
市擔支鑪炊餽
餽酒旗無字畫葫蘆
此中人儻容高隱
應許東鄰著老夫

石頭城看落日

濃雲接落日半壁胭脂紅
中有白毫相百道連西東
大星耿獨明照地光熊熊
城西樓閣何玲瓏
照眼火鏡光明中
刹竿城堞朗可數
羣山圍作金芙蓉
升高矯首張兩瞳
歎賞未已心忡忡
人生百事出少壯
肯令白日馳西春
二十學成蓋已晚
三十拜將羞言功
頭童齒豁更何用
桑榆急景難為雄
魯陽戈短夸父技
窮天公大笑聲滿空
汝年已老心兒童
賤貧鈍拙自汝分
敢以出納疑天工
手挹長江波倒瀉
玻璃鍾鞭起江南山
化作蒼精龍
令汝吞長鯨
駕赤虹洗汝灰埃
齷齪之塵容
拓汝卑汙鄙隘之心胸
直上閬峯頂上蓬萊宮
撐開天眼看落日
依舊一輪碧海沈
青銅海市絕倒東坡翁
嶽雲遠接昌黎公
汝雖么麼見則同
眼前奇景不易逢
願汝埽除狂惑安癡聲
回頭月上東高峯

海外絕句六首

海上雄談早倦聽，醉舒老眼上山亭。
請從日沒渾渾處，看落西行太白星。
卉服經營計不疎，十年教叛費居諸。
唐人酷信歐陽子，祇向東瀛購佚書。

東征死事紹前聞

原註明萬曆時鄧子龍征倭歿於海

龍轟先驅掣島雲，值得三韓人雨泣。
中華有兩

鄧將軍

原註大連灣之役鄧總戎世昌死焉

鐵艦飛輪一水通，高懸蓬島斫蛟宮。
神風不許船人近，詎煞千秋太史公。

沖繩外縣互南洲，鹿耳鯤身接上遊。
昨日市謠宜可信，中丞新復古琉球。

野老癡聾百不知，杞憂雖早亦嫌遲。
一千六百年前事，剛是卑彌內附時。

十一月三日自和後秋興得律句五首

老樹依人立，西風刮地寒。
黃霜殘葉在，白入凍泥乾。
薄酒不成醉，徂年欲向闌。
海烽三百里，旦夕報平安。

白下繁華地，田間醉夢翁。
支筇纔舍北，倚檻又堂東。
門戶長江險，湘淮舊部雄。
自憐

無死分愁絕但書空

內史漢三輔分司宋兩京攀留天下計望幸兆民情極北星朝斗關東雨洗兵微聞

大廷議瀝澗卜西行

挾豕兵隨將輸龍虜誘和軍情中外異使節再三過涕淚蒼生盡流亡白骨多由來

蜂蠆毒為鳥竟誰何

世事紛難了溪扉偶一開乍因尋句去忽自抱愁回楫楸鑪中火風煙江上臺古來

廉恥將高眼重低徊

讀田疇傳

城頭獅子踞危峯指點青蒼倚短筇一種名山好形勝有人當日賣盧龍

原註金陵獅子山一

名盧龍山

題九十翁家思洛先生小照

老人視我猶子行卻視老人原少壯一別芝顏漫十年畫圖忽捧先生杖歸舟一葉

楊本有戲為
長句四字

江浮空載酒記伴高山翁是年老人八十四青鞋踏徧城西東雨花臺訪永甯水莫
愁湖泛荷花風我時獲從老人後老人徐行我奔走碑樓石磴七十級雞鳴山路青
苔陡腰輕脚健躡空上雖有筇杖不入手老人去年壽九旬老人醫方活萬人壽人
食報以自壽淮船遠饋松醪春兒孫衆多盡龍虎羣紀同姓皆交親我不願我如張
蒼壽過百歲鬚鬢黃我不願公如竇公二百歲後仍龍鍾但願我年至九十畫我與
公同一冊畫公足比東王公畫我亦如李八百

城北看紅葉

寒風城北芳華歇荒徑無人隨步履老僮興發不相舍春看開花秋看葉石城一夜
飛新霜千樹萬樹胭脂妝深紅淺赭間殷紫更轉老綠為嬌黃可憐樹亦豈願此秋
色雖佳亦徒爾人生自小皆朱顏物生其始皆芳妍美老不如醜少人命那比物堅
青春一去不復返回紅轉綠知無緣君不見昌黎疏黃思延年鄴侯丹成求得仙我
謂不如日日飲美酒足使醉頰長紅鮮

楊本作
疏瑣

上石頭城

沙路新莎軟春衫野步輕村容斷冰雪客緒逼清明鬢髮滄江影關山戰鼓聲承平
三十載愁上石頭城

客夜

春事忽過半羈棲若有思吹花風片片映柳月絲絲旅雁懷歸苦飢禽得宿遲憑誰
消閣夜愁絕少陵詩

梁飲真茂才囑題所作吳温叟勺湖泛舟圖

我與吳生缺相見我與勺湖曾識面畫圖忽送勺湖來梁生妙筆澄秋練我昔年少
如君年一椽小築湖雲邊文通寺前柳迎客青牛宮西花繞船浮雲聚散風飄絮吹
我莫愁湖畔任繁老蓬黏漫七年夢魂時踏淮濱路梁生梁生故揚產勺湖萍跡時
來往江海飄零歧路人文章風格青雲上白頭懷舊一題詩君見吳生試問之平橋
野草枚皋宅落木西風漂母祠

即目

礎石朝流汗林茵溼暈苔雲容停宿雨水氣動雌雷重腿防添疾原註近病足晴乾望出

梅原註江南四五月間有入梅出梅之說江南卑溼地容我賦歸來

陳錦堂參軍招遊秦淮酒半出令祖谷孫先生花卉長卷囑題長句

秦淮宵虹光燭天陳參軍家書畫船金波打槳盪秋月屏去紅粉蠲歌絃華燈列照

布長席金題玉軸堆爛編君家藏弄冠海內鑒別李范收熙奎最後袖中出長卷冰

紈十丈春風妍云是祖庭所授記傳家寶訣參畫禪太翁自是散花手早年桂府攀

飛仙飛鳥叱馭得上考郎官列宿移星躔君不見卷中花葉紛媚媚應是春城明月

耀桃李不則河陽花滿鳴騶前陽春滿握借揮灑撥墨染遍金花箋尤工遠勢寫山

水長綃短卷飛雲煙其餘文翰更殊絕沈詩任筆誰差肩我生後公三十載追逐湜

籍知無緣君能繩武表先澤孫枝秀發誇杜田滁州太守稱象賢應有小斜川集勞

君編

籍楊本
作籍

楊本有奉呈
二律四字

錢瑞生茂才囑題尊人偶山先生詩稿即步集中首篇原韻

三十年前共苦兵亂餘涕淚尚縱橫
憐君甘抱青琴死笑我徒傷白髮生
身後聲名千載事老來心境萬緣輕
東瀛戰罷關塵靜氣湧如山也自平
未見當年阮步兵相思老淚向風橫
慈烏哺子巢營穩孝竹移根筍怒生
詩卷長留金石壽閻浮如夢去來輕
憑君細著斜川集醉眼相攜看太平

夏日閒居雜興二首

衰至心情漸不同愛耽閒寂話頑空
斑魚換色全身赤盆藕來花小朵紅

原註鄉俗花樹發新

枝將著花者謂之來花

釣瀨待尋終老地炎天新減課兒功
悶來也出衡門外領受槐梢柳腳

風

村巷深深少客過
晝長情緒付吟哦
蝶翎粉溼初離繭
燕嘴黃消漸出窠
積潦浸門添略約
連陰入伏尚清和
荒園小試扶犁手
幾稜瓜茄也足多

幽事

幽事般般向客誇
蓬門深閉水雲涯
談資愛蓄鐵如意
香具自鑄金辟邪
老去心情愁攬鏡
閒中手段仗澆花
有時也覺無聊賴
闌入中山賣酒家

題王逸樵參軍采芝小照

擇冠葦帶亦豐昌
畫稿能傳故態狂
生恐文章落官樣
每參軍作道人裝
青囊一卷活人書
肯寫奇方付酒徒
我有長鏡無著處
煩君攜入采芝圖

次吳吉府觀察留鬚原韻

九天有還丹長嘯乞
金母果能變毛髮
定足驚我友毳毳覆
面目豈復辨誰某
自嫌骨相薄賦命窮
不偶留鬚在君前
豐髭落君後禿髮寡
鬚眉於古亦時有我
乃逼肖之童
頷植髷柳撚髭訝
膚鞞撲鏡厭衰醜
怒非媚磔毛笑或箕
哆口儻遇露涿君許
我入林否讀君五字
句賀君一杯酒攢眉
和新詩笑倒倉山叟

原註隨園先生有留鬚詩

十月十六日積雨放晴夜半月色皎然出戶徘徊久之

咋咋燈花如欲語
丁丁表刻數移鍼
衣裘寒重霜圍屋
鴉鵲驚飛月出林
半偈昏塗

漸漸悟連天雲翳洗沈陰開門一笑還重閉老嬾山棲不厭深

晚登冶山亭

西風吹落日寒色上孤亭煙鳥沒雙白霞天劃半青罍船洲杳杳牧路樹冥冥不厭
終朝醉山風吹暫醒

客懷

客懷無著處斜日石城西江帶寒潮落天隨去雁低南船愁地缺北雪聽鶻唳得似
鷗鳥喜滄波息鼓鼙

初冬即事七首

霜壓溝渠榭葉平風高天宇陣雲行石頭城北斜陽裏凍煞寒鴉啞啞聲
山妻慰老煨霜芋癡女迎寒蓄凍齋更喜今年秋稼好江南米價一時低
衰年心事為身謀滿耳哀鴻觸旅愁莫管江城寒信早老夫新製黑羊裘
香泥白堊低行竈新式紅銅小火鑪為問城南燒炭客霜晨雪夜肯來無

匏尊一吸羔兒酒瓦釜爛烹果子狸肯與村翁解寒餓睡餘愁畔也相宜

烏馬辨字呼兒輩駁背循行負女孫暢好者

楊本作這

般消短晝滿街風雪莫開門

荒村夜靜一人無擊柝聲中雪滿廬燈話爆花時咋咋窗風弄紙乍嗚嗚

寂緒

寂緒時一動郊扉日數開停琴秋雁過岸幘遠山來風雪驚寒序蓬蒿養不才兒曹
念衰憊滿滿勸深杯

蔣心餘先生六合旅次詩有民貧胥役富邑小士人尊之句戲書詩後
風土詩成竟似真笑公未見轉蓬身卅年牛馬馳驅骨只向他鄉作士人

冬日石頭城晚眺

城角寒山石磴斜孤筇吟望極雲沙估航避役移荒泊戍鼓分屯亂晚搗漠漠隴煙
喧凍犬冥冥壕雪啄飢鴉滄洲眼底無窮景閒然臨江野老家

寒夜不寐作

冰雪虛堂一物無長宵偏久睡工夫牀頭老伴枕椰子屋底陽春榭
冰燼世事雲浮

還擾擾肝家風疾漸蘇蘇不須更守東林戒聞說中山酒可沽

夜登冶山亭望雪歸舍後戲書長句

層冰赤腳暫凌虛下界人家睡醒餘一色江山成月夜孤村燈火認
吾廬倦歸瞥似

投空鶴僵卧清如不暝魚猶愧袁安門外轍曉來賢尹有停車

乙未冬日石城野眺是日聞鳳凰城軍信

枉自平生號酒徒殘年竟至落江湖卧罷

一作熊

當道幾人在伏闕狂言一字無醉死

夢生癡老子龍蟠虎踞舊陪都石頭城北狼烽遠萬里遼江望眼枯

乙未除夕作五絕句

鄉閭保耕稼寰宇靖烽煙足為春蠶賀承平又一年

一杯今日終一醉明日始癡女言可從有酒莫輕止

兒曹寫門帖諸婦整春厄老夫一無事遣護小孫兒

女孫愛花繡春衫間

一作絢

丹碧去年拂地長今乃及汝膝

今年復明年日月來滔滔冷被梅花笑春風改鬢毛

除夕亥刻得第二女孫書二律示思振

歲月日時盡吾孫弄瓦來逢春一年過導果兩花開

原註壬辰七月讓舉長女

米價殊難減

原註鄉俗

先得女繼得男以為糙米跌價

酒罌應互啗蔬籃猶侍側靈照記初咳

一索坤為兌癡兒意若何只愁柴米貴那厭女兒多累號加吾祖祈禱笑阿婆書摩

應不遠為爾一長歌

春淺

春淺晝仍短溪寒風間號鴨頭新水亂鴉腹夕陽高一卷古冰雪廿年今鬢毛登臨人日近應望舊林泉

即日

村曉煙分樹泥融雨灌膏山雲濃出甌野水亂穿槽習嬾微須酒能閒轉似高青溪

新漲後煩爾照顛毛

不出遊行

正月望日思出遊結束中屢探深幽出門一笑復歸卧暴雨疾風來打頭壺有美酒
案有書汝欲舍此將奚如山高水深徑路絕何如堅閉瓜牛廬瓜廬團團無所
見電光倏落牀頭劍島國塵飛虎兕狂蠻天水立蛟鼉戰只見朱輪走使車不聞青
海傳神箭東南地缺補不得西北浮雲時一變山鬼何年泣薜蘿幽人只合長貧賤
噫嗟嗟出門亦愁入門亦愁滿園竹樹聲颼颼君不見高天厚地風塵色又不見大
笑狂歌貫酒樓

聽雨

老人睡易驚揭帳燈燼地懸知春雲重急點振廊瓦萬家閉門睡巡柝聲在野駒呼
雜兒女夢嚙相啞吒荒田典賣盡租穀無一把賃園一兩席菜種乞鄰捨青青拆甲
葉飽意溢杯罍枯阮念山井亦足備傾瀉天公一霹靂萬彙得沾灑聞聲大歡喜禱

麥慰鄉社時艱望歲稔旅困藉抒寫明朝將出遊勿惜泥沒踝

童子軍騙馬行

川西之馬高四尺句驪果下堪同論軀幹束小皮肉緊精悍足配童子軍童子十四
十五餘此馬亦是初生駒墮地未能識鞍轡刻騎先教健兒試鐵箠鐵槓各一事春
郊草軟東風輕馬作人不驚四蹏跑地鐵有聲旁觀童子慘動色筋骨綿絲膚
玉雪披髮茸茸習行列拌以精膚抵金鐵童子童子汝勿爾太平從軍古無死此馬
調成值百金賣與金鞭貴公子

春墟

春墟羣蟄動物性亦堪憐雨閉顛當戶風生蟻蠓天少陵人面感蒙叟馬蹏篇閣夜
增予慨羈遲記昔賢

廩粟全家飽江梅幾度春歧途知己淚門館受恩人來去梁間燕浮沈水際蘋蒼茫
問身世何處報平津

讀陶公集

精衛填滄海刑天舞干戚陶公善言辭胡為過悲激江左何世宙寧足運家甍昏昏

就廢退兀兀樂沈寂詎謂環堵中猛氣出飢怒三復荆卿篇兩淚颯蒼滴

老愛讀陶詩語出自放翁吾豈放翁儔所愛將毋同憂患六十年行蹟如飛蓬翁生
宣和末避地居江東我老值清時歌舞榛蒿中翁愛陶激昂我喜陶沖融有時論其

世亦復心忡忡

公詩具衆美至性發高文惟有止酒詩疑非公所云飲酒若可止百事皆可焚貴止
冠黻榮富止銅臭薰貧賤知所止一切無戚欣大江西北流虞淵上朝暾云何市朝

上醉者猶紛紛

長言述酒德真誥佚已久事文互愴恍讀若箝在口或謂公度詞跡踵椒觴後酒能
喪人國痛疾在心首此酒不可勸敘述復何有開先杜康造潤飾儀狄手兩言存手

注大義略可取劉伶死千年迺得金石壽

原註劉裕以毒酒授張偉使酖晉恭帝湯
文清注述酒詩定為度詞隱語蓋恭帝哀

辭吳師道
說亦如此

觀察延陵公知我貧無書貽我少陵集他籍亦滿車茲復惠陶詩二妙兼逮余居然
甕牖中珮玉鏘瓊琚嗟嗟二公遇偉相成朽樗一猶見中興一旦悲邱墟高望浣花

翁俯首長歎歎

躁
楊本
作噪

宮羽可迭奏風雅有變聲長江涌迴飆水性固自平三日讀公詩曼哦坐前楹靜躁

各一時感勸忽自生宛宛風鳴條暄暄雨放晴人生豈長愁貴在適我情

今日天少和輟書出行遊十日不出門衆綠擁道周時雨發生機我意為油油微風

起新燕輕瀾下閒鷗遊目不在遠步倦宜歸休春墟鳴午雞炊煙屋山頭小孫笑迎

門學語相啁啾此是何境地還向公詩求

同吉府觀察山閣朝霽見贈原韻

霽色煙分樹溪扉竹映沙病多妨痛飲老至愛遲花淺渚魚兒水晴泥燕子家晨朝
有幽事新得霍山芽

溢平地天地為之阻頻年困旱暵煩渴愁臟腑田枯禾麥禿螟特橫相侮一朝荷帝
澤萬彙得膏乳裁看女魃遁勿被雨師苦龍公自悔禍嬾極以勤補礎汗方停流簷
溜倏飛舞舉手披層雲白日匿何許晚晴亦自佳靈鵲解人語

示讓振

我詩自知惡搦筆信所之時以地蚓書寫此酸餒詞兩兒意不爾捧紙攢其眉腹誅
謂阿翁何乃多言辭我笑語兩兒舍此將奚為餘生脫鋒鏑旅食仍支持江南初夏
天眼前無病時時事雖紛淪已荷皇天慈草間出噫氣其意寧在詩我計本無聊汝
意非可疵從今將改圖鋪糟歎濁醪醉死尤可樂汝速辦一卮

牆外看人家園竹

既不能作王子猷不見主人成獨遊又不能學蘇玉局拄杖敲門看修竹世間萬物
各有主局外參觀真眼福我聞古有蒼筤亭篔簹谷有竹人家都不俗商女樓頭筵
倚風將軍榻上書連屋莫問主人何姓氏但羨全家住深綠措大空吟竹鮑詩豪筵

遂楊本
作筵

競飽花豬肉平生自號都嬾散遇事甘為門外漢明月清風不要錢野鷺溪鷗許閒
看江南人物今古同賃得城西半畝宮不須更歎居無竹萬頃菰蘆著此翁

題馬梅村都戎小照

十年握手馬都尉公瑾醇醪令人醉三日不見梅村翁但見畫圖如見公石頭城畔
識君早秀目高眉顏鬢好鬚髯蝟磔猶未出一見英風先拜倒君名將我豎儒忘形
爾汝時相呼君知書我不武拔劍憑軒為君舞我亦有圖君未見潦倒鬚眉笑酸腐
高閣當年為寫真我冠羽箭畫麒麟憑君早建平戎策我即燕然勒石人

丙申六月八日酉刻得長孫宗憲賦長句誌幸

兩兒同氣爭弄瓦雖云抱孫仍作假今晨嬰媿忽墮地隔院傳知是雄者阿婆牲醴
獻家祔癡叔香燈酬佛社老僧喜極轉無事笑口如箕開侈哆衣裳顛倒接賓客若
甕開封備傾瀉年來世事漸解脫從此情絲頓牽惹懷中文祿錯花繡耳畔唬聲聽
姪妣卯鷓朱丹雜雞鴨湯餅安排設尊罍接迹誰來喚伯兄妒寵更須憐阿姐定知

汝父非老鳳騰有衰翁戀殘爇於菟裁壯三日氣破殿寧容千里馬以孫嗣祖願亦

足

原註應繼為
三兒思敏後

晚境茫茫付聾啞蒼顏黃口互煦嫗聊藉詩篇迎福嘏簷前百尺倚

孤桐也有孫枝抽拱把

憲孫生吉府觀察以詩見賀次韻奉謝

託蔭依高闕生孫及暮年深仁叨兩世衰祚得三傳良冶彌增愧雄詞早擘箋定知
情若揭更喜句如仙晚輩葭莩誼斯文骨肉緣歌鬟小海唱詩社晚晴天字限題襟
集香迴載酒船高懷挈風雅摯愛感纏綿報玖難言也添丁亦幸焉寒宗嗟落落公
意劇拳拳稍慰含飴願還同舐犢憐待開湯餅會重賀菊花筵湜籍韓門士嚴韋杜
集編洗兒應不惜少助杖頭錢

附原作

垂老歡娛事交親四十年才名江海識世業子孫傳射策狂聯轡題襟互寄箋
右軍書比妙左相酒稱仙眷戀師門誼淹留翰墨緣游鱗輸碧海歸翼怯青天

鄉里還浮宅琴尊不滿船
結鄰偕菊隱有喜賦瓜綿
負荷無憂矣雲初此繫馬
雄龍金錯甲孩虎玉擎拳
他日論聰慧家公倍愛憐
唱酬邀上客歌舞出華筵
晚福看君備高文許我編
忝居大父行為辦洗兒錢

次韻吉府觀察蕉露歌

坡翁三蕉葉嗜酒負奇癖
何如飲天漿衰顏生醉赤
椶皮密裹翠蓮藥倒垂碧
莖彎竹行鞭葉大坐鋪席
重苞護縹牙意若自珍惜
鵝管漿半含犀甲辦三坵
甘寒解暑渴風腋生羽翮
桂心綴仙露蘭蒂吐珠液
幾微不可見只供蜂蜨食
愛此涓涓飲舉手堪採摘
如以杯盞求牛飲真惡客
原註調成節孫節孫酷嗜此露嘗言得升許飲之乃大快
朝陽升屋頂喜趁未晞得酒啖
椰子醉味許幽人識受君灌溉
恩報君惟一滴

大雷雨登埽葉樓

晴嬉方曳履雨望恰登臺
挾電黃風過催雷紫電來
森森殘暑退漠漠夕陽開
世事正如此閒觀亦壯哉

七月九日酷熱得急雨舍西散步

酷虐寧可久微涼入杖藜雲形人坐立雨界路東西山閣臨溪迴風蒲向客低閒蹤
暫磅礴歸路晚煙迷

初秋偶成

兀兀羈愁入睡鄉閒閒庭院又斜陽遠雲時作美人想微雨乍聞幽草香秋近餘炎
存十一客居山色傍清涼晚來愛坐虛簷底細數流螢過短牆

靜夜

靜夜念鄉國遠非天一涯燈寒孤館雁月上四更鴉身外本無物夢中如有家平生
蕭瑟伴溪北冷梅花

次韻吉府觀察十月十三夜對月

霜風吹月滿江城簾箔延光息短檠比似秋容增爽朗只餘病眼望澄清悠悠瘦老
登樓興寂寂袁宏詠史聲永夜不眠頻掉首西園飛蓋最關情

棉
揚本
作綿

病風小閒戲述

大好村居遠市塵收回妄蹟付長貧
荒厨糴米論升龕破衲裝棉雜舊新
原註紀近日事櫛
葉聲中深夜雨天魔劫後太平民
枯松半體閒猶在待與東風一例春

病中呈吉府觀察

浮世榮枯那足論平生風義在高門
飢驅自古悲行路知己難忘更感恩
晨鏡飄飄新鬢影秋風戀戀舊巢痕
斷雲含雨孤村路一病支離骨僅存

生意微存一線中頑膚偶爾活枯桐
半肢觸木渾忘我十口隨身尚累公
雪上嚴霜寒徹骨酒邊愁緒左書空
鴛鴦姿雅負孫陽顧代馬長吟向朔風

韋石家聲屬望多華鬢肯覆病維摩
江南渴澤霑霖雨世外春風長薜蘿
淮水唳烏江令宅簷花夜雨杜陵歌
酬知未了增奢願貧老光陰漫漫過

不信而今恃杖行殘軀留得作麼生
天涯又見生春色幽草從來戀晚晴
老去慣思前夕夢愁來只覺不勝情
城西生計猶堪說小几烏皮照眼明

附吉府觀察和作

平生文字與誰論信有龐公隱鹿門厚祿自慚多病後歡鄰未報野人恩江鄉

鰕菜饒風味關塞鴻泥記雪痕擁坐不須愁寂寞杜陵秋興付詩存

才名落拓酒杯中交誼如絃願在桐僮許扶輪尊馬客寧聞買劍事後公苦雕

肝腎愁成疾悵望江湖遠入空神藥得時還健步會看杖履起春風

年來我亦得閒多簾幕沈沈習轉摩物外交遊酣麴蘖夢中征伐笑檀蘿若逢

滄海成塵日同向青崖拍手歌攝養莫教寒氣犯待君百遍袖文過

可能信步踏莎行暫擬開懷對麴生歲晚風霜加夜冷老人襟抱愛冬晴劉楨

不獨推詞伯阮裕何嘗騁官情西望嚴城隔深霧一鉤新月照心明

十月二十一日雨夜醉後命兒女煮粥消夜戲述三絕句

并豆能生滿屋春豈知垂死得閒身海州鑪子江州鉢設向茅齋也可人

買酒錢兼買藥錢肝風肺渴得安便延陵詩老渾多事又結山僧粥飯緣

兒課宵經女績麻
穉孫唬笑亦分些
漫言野老無經濟
也解溫存徧一家

丙申臘月十八日
兩兒糴米未歸
小飲待之

檐

楊本
作檐

影西斜過午曦
閉門恰與嬾相宜
十千正好償酒債
六秩自知非死期
過雨園蔬方鬱鬱
經霜籬蔓尚離離
兩兒糴米歸何晚
冰雪腸空也患飢

歲暮即事

殘軀莫厭步蹒跚
戢影空村占得閒
庭樹不脩枝幹野
籠禽經久語音嫺
醉無可解愁邊酒
夢恰能遊病後山
知道東風吹暖近
枯筇扶我出柴關

正月二日出遊是日立春

腳輒愁枯坐身閒
愛獨行雪塘連底凍
雲日間村晴春入
新年早貧添客況
清江城猶列戍鏡
鼓太平聲

次吉府觀察元日見示原韻

五十九元旦電速流光走
修蛇赴峻壑催我成白首
書城一千仞結帶耐堅守
十年

依荆州因緣夙世有公年方鼎盛時自稱詩叟東風一紙來詞美意深厚小巫見大
敵寧敢論勝負廚香發新鯖園雨長春韭判以藥物軀來撥甕頭酒江城好風日花
市燈盛否清時且行樂萬事聽塵紐堅冰尚滿地春色歸未久蹠珊楊本作策跛驢
扶楊本步傍花柳醉中忘主臣一笑呼老友

附原作

寒雨不成雪雲卷峭風走除夜瞻星辰晴光照歲首瞳瞳瑞日影仰見黃人守

頗愛春先歸原註二豫卜年大有歡聲溢城郭笑語雜童叟所親見我喜相逢

意彌厚索居固多娛令節竟兩負原註乙未丙申兩屨身愧簪纓新味羅薑韭

我聞歲在酉乞漿乃得酒蠲疾亦云幸那問能飲否大國空多憂奔樞不可紐

欣睹天地清遑知歲月久淑氣滿山澤暖意入梅柳擺落凡百慮題詩寄我友

初五日又出遊

斜川何處問初五及良辰自覺筋骸嬾偏憐物候新雪痕肥入地風力暖扶人西望

層城在連山接近鄰

正月十七日黑夜枯坐戲習禪定二首

寒夜吹燈坐青氈即道場風鴉起庭樹凍鼠入衣裳齋鉢飢時洗楞嚴讀後忘牀頭
星火在知是瓦礪香

靜極仍耽靜枯禪習已成豈知無色界忽放大光明門慢風搖影天窗雪落聲曉來
餘一笑依舊是勞生

正月二十一日夜步庭際無聊小述

買來藤杖幾經旬夜起虛檐更一巡久病心情愁藥券隔年寒氣入新春天高雁路
聲驚客月黑星光下射人徙倚莫嫌歸寢晚一枝溫玉伴宵斂

奉答吉府觀察青溪尋春

十年踏遍青溪路纔見春來又春去今年春比去年遲不記春回是幾時滿城煙樹
春如許僻巷餘寒客吟苦折腳鐺邊煮粥煙打頭屋底霑衣雨延陵詩伯憐病叟百

遍傳箋春在手半載添分買藥錢千尊勸醉澆花酒逢春不樂我太癡尋春作伴公
有詩高天厚地風塵色臨水登山跌蕩詞願公遠布江南春願公暫健支離身少陵
刻意愛端復文章交道皆有神秦淮煙暖波鱗鱗鍾山雪盡青斷斷拄杖尋公勿嫌
遠遲恐青溪花笑人

春陰

連陰不可耐寒霧晝昏昏著體有水氣霑衣無溼痕黃梅探借節青草長遮門獨惜
田間麥春泥爛宿根

遂大雨

沈陰不自解雨勢潑天來地狹橫侵潦山鳴起凍雷漏傾新葺屋寒脫未開梅又似
占霖例祈晴縣檄催

苦雨

東風老鶴鳴西風商羊舞何年旱天雲併作今年雨滂沱市一月白日不當午街泥

沒馬牛野潦入庭戶病夫掩關卧水氣襲腰股韶陽過逾半不復見和煦春寒凍死人擁被氣咻咻無田受淫滂在客愁倉庾貧苦自吾分幸未懸甑甌只憐雁翅溼徹夜叫江渚無聊且自遣起坐強支柱牀頭屋漏聲點滴默可數

初夏閒居雜興

溪靜鷗浮穩簷低燕到稀荒鋤疎菜壠深竹閉荆扉世外閒雞犬山中老薜薇迂頑偏自喜久息漢陰機

節序番風過閒觀物理齊負雞雞背暖測水鵲巢低陸處舟為屋農莊雨論犁愁霖防敗歲那惜巷多泥

賃舍牀多漏鄰牆樹借陰衣裳在家懶煙火入林深洗碗拌蠲藥儲錢待蓄琴不嫌筋骨憊所幸住巖岑

長橋倉巷北僻地冶城東豆莢溪風熟櫻桃野擔紅綴行隨里老遊戲趁村童獨有江亭句時時擾鄭公

子
楊本
作又

廩食分官粟狂名稱老饕
鮓肥愁市價筍老逮貧庖
碧糯膠黏益青蝦醉點糟
河干耽一飽輪輻未知勞

結習書生氣荒廬處士家
甌香新麥飯瓶景折枝花
選理兒知學閨工女績麻
老夫獨何事爛睡是生涯

蜂喧爭護蜜鶯老未停聲
子子蚊蠓化謔譏烏夜鳴
物情元擾擾人事漫營營
蟬蛻終塵滓吾方任運行

同李翰卿姻翁城北野飲醉歸

馬埒開新路橋門越古濠
槐雲沿道直麥氣隱人高
紅字標村旆青筍壓小槽
一歡無主客歸意任醅醕

籃筍雞籠小單衫繭布輕
近家途漸熟過市火初明
鄰叟排門問童孫學步迎
牀頭有儲釀更為解餘醒

雙雀行

虛簷巢雙雀戶牖相因依嘖嘖下庭砌日日依荆扉主人困屢空粟粒亦已微粟粒雖已微聊以慰渴飢物小無高心習久知先幾庖無棄餘粟雞鶩蓄亦稀烏鳶所不顧又無狐與狸彈射夫豈無肉不充甘肥槍楊本作槍榆天地寬逍遙弄清暉深藏自物性匪曰能忘機

丁酉初夏風疾小瘥兒輩以酒肉間進閒居醉飽紀以此詩

出塞茵陳酒登盤蒜瓣魚

原註石首魚俗呼蒜瓣魚

乳酥肥勝肉鱮鯿賤充蔬老忘貪饕戒閒耽

服食書丹砂何可得醉飽且安居

幸住清平世甘為飲食人三時唯祝歲一飽尚關身臣甫自強飯庾郎非竟貧只嫌三爵後醉膽鬱輪囷

不如忘心吟

自去秋病風孳至今未已目病齒病又來交攻戲作長短句自嘲且自解焉
手病不能把酒齒病不能齧蔬足病不能走趨目病不能讀書只餘耳生風鼻出火

徒
楊本
作徒

區區聲臭二根未剷除五官缺其二四體半已枯曷不矐吾目鑿吾齒斬手則足圖
圖如瓜壺何必以乳為目以臍為口杻械手足學刑天之狂惑抑又受貳負之天誅
君不見帝江氏七竅混沌雖有四翼六足胡為乎嗟嗟吾寧豆塞耳棗塞鼻坐使聲
聲臭臭皆如無果爾則將並吾心而忘之庶幾登無懷之天而為華嚴子之徒

村社

四十餘年苦被兵郡城歸卧又柴荆蛟鼃宅畔家仍在禽鳥聲中夢亦驚圩水分秧
新雨足村祠散社夕陽晴鄉閭一醉尋常事老眼看來是太平

秦淮送別

大江東去浪日夜送郎舟願江變淮水為妾向西流

閒居即事

眼昏手顫髮鬢蒼到此真成百不能東下江河誰砥柱西來學術又傳燈糝香豕腹
膨脝鼎遊具龍筋疣瘡藤

原註疣瘡二字出山堂肆考
云龜首有疣瘡故曰癩頭龜

徒倚風前餘一笑閒行飽睡

似猶勝

新秋偶興

處暑裁過涼意回門前僻徑長蒼苔驚風葉解胡旋舞卧地花能起立開物態正如
人老病年光留與扇徘徊今宵準得通宵醒颯颯空檐舊雨來

長夏多雨入秋仍患霖潦夜不成眠作此引睡

關心窮巷雨秋至便瀟瀟長使羈魂醒偏驚夜漏遙溪南添籠竹舍北乞芭蕉莫作
秋霖歎憑渠慰寂寥

老馬

落日秋原黃病馬戀枯草肌肉略已盡毛骨猶雋好馬主說此馬遇主苦不早風塵
一轉掠默默就枯槁前年隨脚驢負馱丹陽道今年入磨肆白齒齟窮阜即今病且
死未肯自摧倒枯瞳向空闊勁氣入筋腦馬主辭未竟我淚灑蒼昊悲風四面來歲
月如電掃關塵暫無事龍蠹罷征討可憐萬里姿遽向塵中老

九日吉府觀察招飲大醉歸舍賦謝

九日登臨故事存，忽驚折簡到荒村。天教風雨避佳節，家有樓臺嬾出門。幾載豬肝

痕楊本作思

增客愧滿瓶，濁酒累公温。明年定被茱萸笑，襟袖淋漓舊沆痕。

原註今年菊猶未開

怪我酒狂忘卻病，知公詩筆快如神。能教白髮歡歌席，預為黃花作主人。

落帽風偏欺客鬢，受恩人慣吐車茵。憑誰敢引題糕興，向日詞壇有主臣。

程淦臣弟囑題所臨松雪翁蘭亭敘跋

楊本多長歌應教四字

昭陵玉匣留典型，松雪執筆誇專精。君今刻意仿松雪，傳衣授鉢尋祖庭。右軍將軍

有真面，世人凡骨空崢嶸。邇來院體尚描畫，松煙蠟紙生光晶。多君嗜古骨自異，辨

別雅俗，菱榛荆玉女低腰說。凡質仙人舞樹凌，太清我不知書喜狂論。稱肉揣骨相

譏評，卅年戚鄰好兄弟。質語豈用阿私情，徐家父子並秀絕。貴在骨幹非儀型，獻之

那可比逸少，小歐僅足師。率更更取圖經究，筆陣玉池墨彩飛。芝英人書俱老筆，益

健大李，小李堪齊名。原註尊甫小江先生有臨二玉石刻得者寶貴之君於家法蓋十得六七耳作書會報大程子元方

定已難為兄

原註謂令兄立臣親家

料君竿頭更進步知我喜愛非相輕題詩紙背博君笑病

吻忍作蒼蠅鳴我詩君書儻相匹敢謂退筆書蘭亭

白蛉

蒼蠅鬧永晝靜夜喧白鳥病夫苦環攻薺惱度昏曉醜類固非一呼引殊未了一種
曰白蛉茹血善騰躑白分蠹翅薄黑點螟睫小其質極么麼其性實凶慄晝為蠅助
虐夜與蚊肆攪牆隅聚黑暗帳角透幽窈精締不足障密幄入能巧裁驚撲頭面忽
已穿衿衿塵軀幻鬼蜮銳吻啄分秒尻高首益低來疾去逾矯江城地卑溼繞宅盛
蘆蓼汝螫豈擇人我室適苦秋汝既備眾惡又敢樓羣狡晝坐勞拂捷夜卧困煩擾
汝生豈偶然溼化共跂矯同為滄海粟何為肆狂敲寒燠來有時生滅理易皦蛉乎
亦可憐秋風吹樹杪

蠅
楊本
作城

十月十二日郭月樓觀察以舉第五子假怡廬主人玉延精舍作湯餅會叨與
嘉宴賦詩為賀並呈怡公

玉延精舍又開筵吉語書摩第二篇

原註去春胡伯言學博舉長公子招飲玉綺席延精舍曾賦詩紀事今年觀察踵其盛

移來湯餅宴酒香薰暖菊花天頻教戚友傳佳話自笑癡頑似去年好是寒黃能勸

客半弦窺座月娟娟

玉貌郎君玉鏡臺雀屏早許不凡才

原註觀察第四公子為怡廬觀察快婿

欣看瓊樹臨風立更喜鴉

雛接翅來掌上明珠隨月滿庭前仙桂及時開龍蔥秀毓青天外先賀三山酒一杯

幾度芳叢畫款賓笙歌隊裏著閒身六年長我推先輩一醉求公恕部民促坐香傳

金谷酒充閣喜釀畫堂春明年更舉丹山鳳絳蠟高花笑向人

冬夜述興

老境成迂懶幽憂付健忘詩多題目少日短客宵長雁影江城月風棱屋瓦霜只憐

雙白鬢負煞讀書堂

自問堪何事溪濱僦破廬一身貧病老三友酒詩書車馬塵都絕林巖興亦疎禪龕

見燈火或者是真吾

雙琵琶行 彈者文秀小五

四座勿飲亦勿譁天風吹落雙琵琶
箏箏停瑟住簫鼓歇八絃四手紛推拏
是時月上花牆東射影絳蠟高花紅
琵琶聲低兒女語兩小喁喁相爾汝
琵琶聲激金鐵鳴列陣戈戟相琤瑤
鷗絃對撥鶯嚙急紺袖互舉山泉驚
懷中暖玉鬪纖甲耳畔雲和同一聲
忽然眉語傳心字互道渠儂心裏事
此手能傳小忽雷彼曲偏成渾不似
妾意東西強分別欲倩琵琶向人說
文乎玉乎汝勿彈宵深妮妮纖指寒
檀槽合奏今雖有絳樹諧聲古所難
秦淮夾岸繁花草飯甌家家都道好
曲中能識幾秋娘座上剛逢雙賀老
琵琶琵琶居有鄰當筵聽曲一露中
勞他姊妹雙鬟影對我蒼茫獨立人

自題行看子

畫中老儂定何物一寸煙埃埋面目
不言不語背壁坐似笑如唬形土木
料汝有生無好況問汝飢驅究何欲
汝不能言我自知墮地便走湘江曲
歸來孤露守飢凍累歲兵戈竄山谷
老病無歸更累人兩年困卧鍾山麓
兒號女唬四壁靜足弱眼昏雙

鬢禿無聊寫照爾為我有淚倒吞酸入腹窮無可送鬼亦悔福本自求神可瀆我昨夜中夢見汝以首撞天向天哭青童怒叱天帝笑笑汝奇窮獲奇福賜汝羊千羣酒萬斛布絹金錢堆滿屋有衣有食飽暖死無病無憂酣睡足更須百萬紫金丹為汝渾身換窮骨

夜雪

黃昏凍雨急無聲卧想階前積碎瓊土壁當風危欲動紙窗無月夜偏明攜尊客帶朝醺至擁帚人依婦迹行究竟江南寒易盡鍾山霽色撲簾旌

讀陳雲伯先生秣陵集以二律題其卷尾

碧城仙艤白門槎江上幽情詠晚霞一卷收殘龍虎氣九朝忙煞帝王家

原註金陵自吳晉至

前明并楊吳南唐凡為國都者九

東南形勝連滄海金粉圖經比夢華我亦閒中吟賞徧青溪冷月

故宮花

環海巖然大九州長江不似昔年流金戈苦

楊本作頻

歷紅羊劫鐵艦橫

楊本作仍

飛白鷺洲

豈有盧龍真可買虛傳臺鳳再來遊西泠詩老生今日定惹滄波萬古愁
方芑南觀察雪夜過譚賦呈

蕭然裘褐閉門中下士夷門有古風答使已忘雙戟貴清宵喜得一燈同江干冰雪
餘知己海內經營仗數公我是延陵老賓客時時高眼向城東

原註談次時及怡廬
觀察觀察行館在城

驟雨遽晴

江喧初過雨風急又成晴呀獸釋雲立奔蛟遠電明高原禾黍氣疎樹蜩螿聲未用
嫌煩熱秋心已自平

飯餘

飯餘茶罷百愁生誰道身心太不平癡女問禪初授偈穉孫學語自呼名愛看病木
經春色怕聽飢鴻叫雨聲百萬流離淮岱戶書生一飽最關情

登曠觀亭

長干塔去後高步安所之稍賴雞鳴山傑閣凌嶮巖三年病埋頭兀兀同醉癡一出
躡森爽天外伸腰眉引手撫飛鳶舉首摩參旗長江忽不見腳底走白絲寒門鬱越
洲金母瑤華池海氣沸十日倒挂扶桑枝迴臂指東南地缺天亦卑鍾山徒巍峩上
有罡風吹白日背人去帝閭叩無期衰遲足可歎徒倚將何為

即事

東南數峯起其下有雨脚飯餘腹自捫一飽暫盤礴去年患淫潦餓殍道相錯今年
復苦雨蒼溜時噴薄麥秋幸中稔喜氣溢村郭云何珠玉貴市價日騰躍兼金乞滿

擔足陌論升龠大官恤商困勸糶聊畫諾窮民不耐餓徒手亦善攫

原註五月十三日江寧揚潤同

時有窮民聚衆攫米事

大官憫民窮不忍用笞縛家家晝閉戶夜夜警桴柝清平大都會氣象

遽蕭索但祈一月晴稻穀得春鑿盈虛互調劑補救須斟酌民亦非好亂歲亦非大
惡官亦不易為太息向寥廓

採蓮詞

採蓮採蓮花花是並頭好採蓮人太多並頭花太少
採蓮採蓮葉葉底花在否寒花更向下為郎覓新藕
採蓮採蓮房房老子偏多子多心益苦奈汝倒垂何
採蓮採蓮子採子意何深郎似蓮中子心中更有心

客路

客路茫茫見白頭閉門聊得寄閒愁儘教海上饒仙藥未抵詩中有酒樓
山雨歇時攜蠟屐江天空處著沙鷗煙耕月釣尋常事老去翻嫌不易求

讀書

五十不為夭六十猶讀書讀書將何為送老固有餘千篇不一售不如吏與胥
霜風逼歲寒草樹擁破廬假貸贖冬衣方藥乞里閭故鄉已無家老病將焉如
輟書坐前楹欲起三踟躕呼兒汲枯井更灌園中蔬

范家潭

范家潭十畝亦自占清幽未可乘舟入偏宜繞岸遊柳髧春茁髮槐病雨生瘤同是
泠泠影憐予照白頭

偶述

旅橐裁堪賃草堂秋來生事墮蒼茫村墟烏下楸桐冷山圃狙餘橡栗香憂不傷人
惟仗酒生原可養恰無方殘年悟得安心法爛熟枵嚴徹底忘

高亭

高亭憩殘醉暮色莽蒼中老病三年過江山六代空遠螢明滅火飛舶去來風最惱
登臨眼紛紛看轉蓬

泛舟青溪

水鏡蘋絲畫艫開夕陽搖過幾樓臺天容雨後青猶溼山色船頭綠自來禾黍成堆
明大內塵沙滿目劫餘灰多情舊有淮東月照我溪頭買醉回

又上曠觀亭

我愛曠觀亭再上雞籠山一上眼界闊再上心膽堅上上地益高望地如望天井邑
空茫茫踏地成杯拳市聲何訶訶隱若蠅蚊喧斯閣重經營記自中興年兵餘萬物
敝材力乃勝前矗起三百尺欄楯數至千遠接扶桑暎近撫鍾山巔其上更何有出
沒空中煙山上復置山豈不成孤懸地位誠巍巍攀接知無緣隕然顧四下撫檻增
憂煎

患心悸數月不減戲述

男兒志多端一老萬事畢老從何處來先示耳目疾侵尋及齒髮十或僅存一腰腳
日以憊多卧少行立卧時作何事終日腳踏壁年來益可笑心病時慄慄或言心氣
衰安養冀寧謐或言心血枯歸芻具湯液此病肌肉耳小體安足惜我心實無病出
入不少軼遇事見是非鑑古知得失果使心有病此事宜所及所病祇一事酒盞鮮
餘滴何當倒滄海一瀉桑田溢飛塵廓不見醉眼送白日心奢力不能付諸長太息

代黃建侯明府題泰州夏少舫新刊欵汪大令宗沂後緹縈傳奇曲本記泰州

蔡孝女叩閤雪父冤事

社鼓神絃孝女祠後緹縈曲按新詞鉛山詩老應心折此亦人間第二碑
新聲十折譜南崑妙筆天教付水雲任使閭閻兒女換千秋歌泣仰遺芬
妙鑿精刊手自收新書旌孝並傳留會稽世德吾能說家有藏書萬卷樓
臣家有叔舊同胞兩世通經結誼高相贈囊書解公意歸舟為我壓風濤

戊戌十二月初五日喜雪三首

民困已云急江雲無雨心村村趨社事日日盼沈陰赤旱頻年過黃金一寸深兵戈
渾未已聊作忍飢吟

海舶波騰沸潢池盜蔓延辟兵思世外喜雪在春前怫鬱埋憂地昏沈買醉天兒曹
獨何事鼓笛正迎年
人生即滿百幾見中興時卅載愁中過千莖鏡裏絲寒烏曉月苦歸雁渡江遲不必
高樓宴蓬門亦有詩

歸裝

客路天寒百感增
村扉吟望耐凌兢
山光戴雪明長凸
塔勢穿松露上層
跛脚尚思拋雨屐
枯腸只合潤溪冰
東風轉眼吹雙鬢
為問歸裝辦未曾

奉次怡吾觀察正月初六日喜雨元韻

倦眠聞好雨
起坐攬衣冠
竟得終宵聽
休愁后土乾
廉車方布惠
農野盡騰歡
更荷詩筒寄
能令酒盞寬
吳癡剛買困
烏瘦敢攀韓
天洗橈槍淨
春催鬢髮殘
醉吟排日過
煙景撥簾看
一事教公喜
枯筠尚耐寒

乙亥正月七日巳刻次孫阿同生

一笑語兒子書
摩第 二篇添孫作人日
與我共緒年

原註余生於道光十九年歲在乙亥

寵被哥哥妒

嬌羞姊姊肩

原註哥哥用禽言次句用北齊書南陽王傳

從頭數家寶
不必數無田

新正十二日獨遊燈市

東風吹暖到江城
更得初正半月晴
燈市繁華如昨歲
窮簷鴉雀亦春聲
只餘藥裏

調貞疾且喜鄉閭共太平獨怪青溪溪畔草年年新綠伴愁生

十三日雨是日立春

飄蕭凍雨暗空林曉榻輕寒襲破衾悶極幾忘開口笑病餘偏愛裏頭吟山容沐雪猶含潤草色迷離已漸深料道東風能踐約每年春早一相尋

再上鳳凰臺二首

高詠應無李翰林荒臺舊躡嬾重尋有何神鳥關符瑞但見浮雲變古今野水自環千睥睨孱軀能得幾登臨鳳凰去後詩篇在落日蒼涼白下吟
十載羈棲霜雪林自憐衰鬢日侵尋山川歷歷空懷古吳晉悠悠直到今名業已成雙落寞荒寒只可獨登臨鳳凰臺上重來日越客家居莫浪吟

與讓振攜諸孫散步村外

身嬾心慵百計疎一作老去心
情百事疎閒遊亦只傍吾廬一枝筇竹龍鍾甚三尺童孫玉雪
如遮道怕逢騎馬客傳家新置相牛書兒童莫負還鄉約十畝荒畬共荷鋤

有客向予說五首

有客向予說高能令汝危
安車宜下澤幽鳥愛低枝
地以卑成大梯緣倚易
敲青雲勿輕上我愛樂天詩

黑楊本
作墨

有客向予說何須苦鬪爭
蠅頭中嘅血蝸角上鏖兵
黑白輸贏局錙銖得失情
睡餘成一笑君聽衆禽聲

有客向予說浮生且自豪
況當春晚晚肯惜醉醺醺
死亦隨緣好文從不賣
高元龍湖海氣莫認是牢騷

有客向予說閒時莫浪過
但逢人送酒便對月長歌
病榻奇書卷巖扉好薜蘿
更拖藜杖去鬧市一婆娑

有客向予說窮居守更堅
耐寒棲雪窖忍餓過凶年
瘦竹伶俜影春芳長養天
兒曹笑老子醉舞落花前

皎月

皎月滿庭隅溪藤倚病夫風庭旋磴蚋露網綴蜷蛛心事行雲遠春聲過雁孤憑渠
消永夜亦未厭歧途

五月二十一日酷暑晚食偶述

炎威向晚酷難勝一飽從容竟未能紫電有光天外雨飛蟲如糝食前燈隨風熱炁
蒸成汗下酒新書讀未曾也算人間清絕境雪山頂上萬重冰

酷暑夜起

欲睡不成睡來追戶外涼月紅生旱氣水白墮星光取醉添微困繙書檢舊忘老夫
無熱惱冰雪滿枯腸

戲作

連朝困帚埽餘糧盛暑空堂鎮日涼手挽童孫尋一笑鄰家炊飯我家香

溪上書所見

朝舖已過又禺中來往曾船柳港風十網九空渾不厭最能耐事是漁翁

歲暮偶述

急景催殘臘，羈情擾客宵。天從乾後冷，

楊本作冷後

雪待伴來消。

原註鄉俗謂晴冷為乾冷積雪不消謂之待伴

雪主

再雪。裘敝如無著，漿酸強自調。春風有青眼，先上柳條條。

登石頭城樓

短褐飄飄上石頭，西風落木滿城秋。千重山去開吳會，萬里江來抱郡樓。地險尚餘龍虎氣，浪淘不盡古今愁。憑君數徧迴闌外，可識當時舊九州。

偶述

謂窮乃工詩，我固徹骨窮。謂詩能窮人，我詩殊未工。伊嘸四十年，寂寞如秋蟲。我氣已淹淹，我福應庸庸。胡為墜寒餓，衣飯常不充。古語徒欺人，我輩不可從。從之兩無成，笑倒歐陽公。

訪韓侯釣魚臺

韓侯臺已久，無臺古樹長。隄夕照開岸，憤獨看高鳥。去停船，那為釣魚來。黃金漠漠

遂
楊本
作遂

荒墳草青眼茫茫國士才待向城南拜遺廟

原註淮安城南有韓侯祠

湖濱漁筮不勝哀

次王雷夏寄懷驥媒鳳篋詩韻

金閨聚才彥氣誼相推高所貴麗澤資匪曰矜吟毫吹臺挈高李飛蓋追吳曹同是
青雲姿高總焦明巢迹往風斯存豈類波中泡讀君寄懷詩二妙連心交驥鳳並健
者一舉風棱飄鯁生少羈孤飢凍連昏朝亦有東南朋相望判鵬鷲晚遇龍宛

楊本作宛

翁同聽袁江湖朋簪一以合師資忻所遭申之以婚姻疊疊情相膠家事互咨籌文
字煩評褒說經口懸河析義弓解弦方嚴北面事倏作東野號束柴茹深悲銷盡胸
中豪百病乘衰來如寇恣掠抄猶憶相逢初風牖秋蕭蕭流波聚浮萍大道聯車鑣
開口出肺腑規戒兼諧嘲簷花話春雨屐雪衝寒皋晨訪鞭打門夜坐星垂杓濁酒
過鄰牆茶鼎喧春濤有時親炮燔芳馥騰桂椒有時倦觸屏筵燭未輟燒此境幾剝
那忽墮鍾山坳儼舍傍山麓聊遠塵市囂一劫又十年何處尋隍蕉百憂集中夜坐
聽寒鴉嗥傷心女貞樹風雪堅不撓夙通靈照禪忍作孤雛翔我老貧無家抱木如

窮猿傭書習俯仰旅食霑羶臊埋首煙霧中寂默同潛逃君馬從東來暫秣麒麟槽
心知天閑羣奔驟皆良駒因君憶龍宛楊本作苑捧輿吳陵郊因君念昭公海國依僧寮
作官不名錢課兒惟緇縹因君慕驥鳳仰企空煙霄情波千百重江流長滔滔今年
事可悲倉猝喧軍濠登高望中原風塵日飄颻城城踞豺虎路路森管茅滄海水逆
流天柱峯傾搖秦中古神京峭潼扼宮堯設險以為國軍伍各見招憂時豈吾分冀
壤埋鉛刀浮生豈有涯長共哀鴻嗷離合雙龍津徬徨五噫謠

題玉延精舍壁抒情戀舊情見乎詞

門下任安迹未疎層層影事記模糊西州山色仍華屋東閣郎君是貌孤欲去更添
新涕淚重來可奈白頭顱畫梁巢壘分明在還憶當時舊燕無

方芑南觀察賜和王延精舍題壁詩疊韻奉答

幾箇星留向曉疎舊曾遊處夢模糊飛鴻淮上痕猶在原註張漢仙中丞見招倦鶴江南影太
孤離合本如風捲絮衰殘自笑雪盈顱禹州觀察關情甚肯許樊南受學無

除夕

六十一年歲又央
愁添胸臆鬢添霜
青迴南國新春草
紅羨西山好夕陽
久病直疑詩作祟
無家偏有夢還鄉
屠蘇酒畔從頭數
醉過江梅十度香

中伏風雨極涼

浮雲東南行風氣何蕭然
吹雨為愁霖簷溜時濺濺
盛夏如深秋誰執寒燠權
祝融失號令遂使陰陽愆
五行無可推四序相周宣
炎曦非可常霜雪已在前
門前青溪水轉眼成冰堅
曷不縫我裳曷不絮我棉
北風倏然來綢繆居其先
任人笑老子日日憂青天

買桂植南簷下花時贈以數言

菊穉荷枯徑草荒
幾枝丹桂借芬芳
鏤成四出金無數
開到兩番花更香
月夜婆婆憐影好
貧家風露入秋涼
庭前有箇孤松在
歲暮偕君耐雪霜
一樹團團買自他
貧居從此有庭柯
開簾忽訝香如許
繞樹卻尋花不多
世有小山

招客否種無高嶺奈君何
摘將細朵簪衰鬢
俊煞風前老阿婆

吾生

兵火連飢困吾生已飽
經髮難留點黑眼
未遇真青冰雪散
毛褐乾坤欠草亭
春歸偏不覺窮巷霧冥冥

病夜

野戍長更接短更
瓦椽窗紙盡秋聲
詩成倦枕醒兼睡
病在貧家重亦輕
藥外奇方惟有忍
酒邊豪氣獨難平
一龕燈火熒熒影
愛汝相依直到明

煮茶

吾生善忍飢冰雪恣吞
噍惟渴不可忍
喉舌煙火燎病翁
思牛飲燥吻動楊本作勤長嘯
先春龍井葉圓餅
武夷嶠貢珍陽羨
芽僧銜君山廟是
皆無上品尤物敢
輕掉貧兒服石散
所遇皆市料百錢
買盈掬如穀得零
糶松枝火初活天
水陳出窖薑鹽屏
古法老嫩得新妙
未翻魚蟹眼先唱
蛭蚓竅波濤忽鼎
沸銀玉條騰踔冲
開碧玉旗傾

醜楊本
作餽

蝦楊本
作蟹

倒銀砂銚一吸心肺涼
七碗飛電醜師或桑苧翁
衆水歸遣調友或玉川生
百病可

治療風廊跂脚坐快極
乃狂踞老翁方輒飽兒女
以鼻笑今晨缺午爨舉室
餓鷓叫

汝曹畏餓死餓死奚足謂
熊蹯與魚腹一得非兩效
松風且勿諠攬我北窗覺
食

吾主以醉蝦佐飲得一醉
則不吐下出神舌數大熟
飯食思半粒熟如燒新傳
身處

且趁生前饜老春楊本
作佑尊殃乃及鬚民
羌烹貊炙久成俗糖蟹糟
腴未足楊本
作是珍

沆瀣香融雲母液玻瓈殼
浸水精仁空庭一醉百憂
失明日晨炊飛甑塵

讀放翁臨終示兒詩感賦二律

半壁殘碁著未終一篇遺稿恨無窮
詩人結局竟如此亂世高年不羨公
身後滄桑

餘甲子人間禾黍幾秋風但餘一事堪相慰
不見西泠戰血紅原註放翁卒後垂
七十年宋始亡

蜀幕歸來歷幾霜瀕危苦語尚堂堂
不因鬼餒悲家祭但願身存作國殤
北伐氣猶

吞猾虜南園記肯附師王原註韓侂胄加太師封
平原郡王當時稱師王只憐海上文丞相
青簡丹心最後

亡

庚子除夕

六十二除夕流光去若馳
飢寒挈家累老病望明時
燧火羌胡寨飛騰關隴師
窮人江海畔來事欲先知

客路無衣食貧家有子孫
團圓今夕酒奔竄旅人魂
春冷風吹鬢村空雪打門
百年三萬日大半付生存

辛丑二月十一日大風霾霧雨晝晦

西北雲飛塵窈冥鍾山倏失半
邊青風聲挾水漫城入
雨氣衝人作土腥
白日偶然如整避
青天原不解長暝
癡翁吟詩不受嚇
待喚奔龍曳尾聽

暑日晚際得雨偶述

雨過月光上天容若洗
開行雲獰獸過飛葉亂禽來
將帥山西詔烽煙江上臺
空庭小排遣寄興亦堪哀

贈梭拂子

笑指案頭梭拂子買來恰已廿三年流蘇穗結青麟尾汗柄筠香紫玉鞭為我氎牀
添長物共誰齋鉢話枯禪一從墮入癡翁手好煞人云不值錢

病中遣懷二首

風牖斜拳慢山樓小結窠壞雲熊虎狀高竹鳳鸞柯九折人心坂千重孽海波東軒
上明月清影照誰何
醉睡年年過應教盡境成仰天難可問作佛定無情鷹虎崖邊肉蠅蟥夢裏聲中山
酒家在覓路且孤征

記得一首

韓侯臺上酒記得少年狂鬢影欺春色歌聲落大荒醉醒殊忽忽歲月竟堂堂那料
還家日塵容劇老蒼

張烈婦哀辭

烈婦姓盧氏桐城張茂才傳書室

皖
楊本
作皖

楓林鬼哭天雨霜淮濱墮死雙鴛鴦不知怪變應何事我欲為之祓不祥秦淮水接
皖江水水上栽花愛連理祇說鴛鴦喜並棲不道鴛鴦會雙死京兆郎君宰相孫十
年相對桓少君張郎雅擅描眉筆盧女原多苦節人妖鴟啄屋帷燈黑瓊樹凋殘琴
柱折生猥病竹已經年死後檀奴纔四刻絞衾妝裏人始知刀瘡枕大淚痕滋劇憐
郎命如絲日已是金刀割臂時妾恨死遲郎死速有暇捐生無暇哭烈婦之死何決
絕神盡形枯腸寸裂烈婦之死何從容一丸仙藥阿芙蓉已無餘力憐孤子猶幸承
家賴長公我昔橐筆淮陰道一見張君便傾倒師弟情深歎我衰江湖客死悲君早
君死可悲婦可敬力振綱常金石性不須自命未亡人不願人憐妾薄命愧無健筆
寫堅貞但餘悲淚臨風迸烈性從來死是歸妝樓冰雪有清輝請看樓上鴛鴦瓦墮
地依然比翼飛

日長山靜草堂詩存補遺

六合汪達鈞少浦著

同治楊本作
咸豐

同治四年二月漕帥吳仲宣師拜總制兩廣之命賦詩慰別士民崇實書院山
長錢司成楞仙師依韻賦答並作講院送行畫冊命肄業諸生繼和謹同原

韻

姬公撫東土德政蒸黎誇既去不能忘飛鴻歌幽遐清河衝繁區冠蓋日交加珂鄉
洪湖濱繡壤錯犬牙昔聞鳴琴來經營歲月賒望重位益尊朱輪動征車悠悠慈雲
行民誰庇室家流連袞衣篇頰首長咨嗟

經營楊本作
營經

前賢運甓地輿誦播遺響惟公其嗣之幕府啟宏敞先聲肅南裔厚澤歌舊壤孤城
賴靜鎮疲卒勞勸獎膚功談笑成藝事投戈講東南慶保聚悒懽推愈廣中流懸砥
柱官吏得依傍小民亦有心能無奮興想

江南有哀鴻嗷嗷中澤留饑寒委道路敢望衣食優竹林負高誼客館開清幽食之

比車客居處禮意周遂使涸轍魚得託龍門遊五年依高廈身世忘浮漚近悅遠益
來德行如置郵高山不可企夙願徒研求

黌舍講學區樗材濫竽廁章句理舊業丹鉛幸從事名賢秉教鐸誘掖循等次方圓
謹規矩曲木受豈易從遊盡英髦精詣愧難致流離幼失學便便負腹笥安利非所
望勉行期或至渺焉蒼蠅飛致遠須附驥

客冬奉簡命持節撫吳氓旌旗指金閭億兆咸懷清前驅方戒途百粵正治兵朝廷
念南徼賴公專厥成臺言何遲迴朝令夕又更風高雲翳散帆穩波濤平迢迢五羊
嶺婦孺知清名吾人自福薄何以慰夙誠

吉甫古儒臣燕喜歌張仲公詩邁前軌逸響超凡衆絳帷成報章雅樂鈞天縱小鳥
欣隨聲引吭戒愚弄長亭喧鼓吹驛道馳輕鞍敢期三日留聊備一錢送卿月耀南
海清輝願與共蕪言善頌禱早驗生松夢

劉石甫同年畫雁覓舊識者蓋少書此為解嘲

漫詡西齋潤筆資
長安渾不似當時肥鵝大鴨人
爭買閒煞淮陰老畫師
一夢春明竟未成
書生計費經營宣南時
局朝朝變畫院而今有敗兵

青駝寺贈李少尹

維鉢

春風吹倦客
忽忽賦歸來
蘋梗憐生計
風塵惜吏才
青山仙尉宅
白水故人杯
明日沂州道
相思首重回

抵里門

暫歸情恹恹
徂歲氣嚴凝
霽雪靈巖塔
寒漁冶浦燈
兒童識鄉井
豚酒聚親朋
擬買盧仝宅
息息竟未能

江渚

江渚樓卑溼
衡扉繞

楊本作遠

薜蘿秋蚊飢
喙健夜鳥惡
聲多襤襪求
隨俗顛狂託
放歌

衰翁理生計
最好是漁叢

秋日登鳳凰臺

天風吹倒菊花杯老眼憑高得暫開千古獨存黃鶴句幾人重上鳳凰臺關河北望
浮雲滿陵闕南朝過雁哀絕倒題詩郭功甫一時推說謫仙才

瓜步晚泊

思按楊本題註己巳年作與詩註嗣去之

落帆瓜步聚客路晚蒼蒼江白沙洲月山紅野寺牆四年三易處十載兩還鄉原註同治
戊辰由淮陰遷居楚陽辛未遷袁江四年之間凡三易處獨有滁河柳抽條比舊長
自咸豐戊午避兵去六合同治戊辰己巳兩次暫返里門

京口晚泊

癸酉年作

落日渡揚子收帆灘月明燈搖過橋影鐘殷到牀聲半道江心寺前途鬼臉城六朝

山不斷勞爾伴西行

清明前二日

思按楊本題首多丙戌二字與詩尾白不合去之

柳暗煙初重榆香雨乍晴更添新悵望仍是舊清明巷陌春深候風埃野哭聲六峯
應怪我歲歲石頭城

日長山靜草堂詩存跋

攻揚本
作工

庚寅辛卯之交嘗侍先子詣盱眙吳吉甫觀察處因得讀六合汪少浦先生所為詩但覺妙語解頤雋味悅耳而未知其所以工也時方攻舉子業暇習為五言七言蛙吟蚓唱而先生獎掖之甚至先子嘗慨言有才者恆不遇於先生際遇之蹇尤致惋惜先生以才受知於吳勤惠公公薨公子吉甫觀察賓禮之十餘年庚子夏觀察病歿於江南巡道任所先生益牢落無偶然每當友朋文讌座中偶發一語輒深妙可思間論當世事則款款感激不能自己嗚呼先生特韜於詩而豈欲以詩人終哉予既心折先生詩而歎其一本性情不區唐宋筆曲而意新言近而指遠力湔叫囂之習而為老師宿儒所驚歎數請稿付梓先生數持不可辛丑春予一病幾殆先生猶扶杖過訪存問殷摯時予方餌藥就卧未能一道款曲瘵後走謁而先生病病逾年恩擬易作月歿矣至今思之尤耿耿也甲辰仲冬索稿於先生叔子叔玉甫鈔成帙而楊杏城姻丈以參議商部事寓滬上今年春季適有金陵之游遂攜稿去將付梨

棗叔玉自京口抵書索序於予因綴頻年親炙顛末於卷尾至先生之詩與其行實則王道農先生所為傳敘中言之甚詳茲不具載嗟乎近時詩人多為繁絃急管之音怨悱悽痛之語兀傲之氣至不可逼視承平雅頌去人日遠則又人心世道之變而非下走之所敢憂矣光緒三十有一年孟夏皖江後學舒紹基摯父氏謹識

詩公神夫古詩而效其一

思開論當世事

詩夫主心本受味

也世言

可覺也

東冥平

日身山情草堂詩存題

九




右日長山靜草堂詩二卷為六合汪少浦先生
所著而孫疊波親家所手鈔也先生以名孝廉
隱於幕僚著述宏富身後多散佚僅詩稿尚完
泗州楊文敬公偕其弟杏城侍郎用聚珍版為之
印行始漸傳於世其詩由劍南以上規杜陵多感
事哀時之作而溫柔敦厚悉本詩教並世作者罕
與抗手疊波為先生之甥嘗取楊氏印本精校
數過為者正之闕者補之後訪求原稿於先生文孫

許參互考訂以成善本庚午夏六月手錄一通贈於
閩侯賴君葆忱即此本也葆忱與先生為乙亥鄉
舉同年論姻則輩行居晚曾乞先生詩於疊波而
疊波以所存為孤本無以應之遂於盛暑之日錄
副以贈不一月而疊波遽作古人指嗣而廷請於
葆忱思存手澤葆忱立予之並許為跋語未脫
稿而葆忱亦謝世兩廷方友教於江淮間乃節
脩脯之資付之影印一以傳汪氏之遺詩一以

存先人之墨蹟一以副賴君歸璧之盛心一舉
而數善備豈易覲之於晚近之士哉昔漁洋
山人精華錄為弟子林吉人手書藝林傳為
佳話汪先生之詩足追漁洋疊波以六十有八
之年猶能於酷暑作細書刻日成冊方之吉人過
無不及庶幾並垂不朽矣兩廷屬識其緣起爰
為綴言於簡末辛未十月濠州俞錫疇書後



右日長山靜草堂詩存二卷先君庚午夏寫詒賴丈
葆忱者先君夙喜作細字遇鄉先哲遺箸輒為錄
副此以盛暑寫成自謂弗工然筆勢謹嚴無一畫
之苟可窺見先君每事兢之意賴丈至寶愛
之後先君見背丈以授為靈屬付影印并許為文
跋其後未及屬稿丈亦謝世嗚呼先君生平雅
重此詩也據楊本校讎丙寅欲付剞劂兵燹未
果已已欲用聚珍版排印又以病罷今為靈以手
寫本上石而先君與賴丈均不能少待以觀厥成
人事不可測遽如此披覽之餘不覺涕泗之橫
集也己辛未十月孫為靈謹識



溫州府志